


JEHOVA-JIRE 1

 Ha re tsoeng re sa eme nakoana re inamise lihloho tsa rona bakeng sa lentsoe la thapelo. Ha re inamisa lihloho tsa rona, bosiuung bona ke a ipotsa ke ba bakae ba ratang ho hopoloa thapelong, u e na le ho hong pelong ea hau u batlang hore Molimo a u etsetse sona, phahamisa matsoho a hau feela. Morena a abe likopo tsena joale ha re inamisa lihloho tsa rona le lipelo tsa rona pela Hae.

² Ntata rona ea Leholimong, re atamela Terone ea Hau ea Mohau hape, ka Lebitso la Jesu Krete, Mora e moholo oa Molimo. Re U leboha ka monyetla ho tla ka kholiseho e reng U tla utloa le ho araba se re se kopang. Re a rapela, Ntate, hore U tle u re tsoarele libe tsa rona, ke ho re, ho se lumele ha rona. 'Me, Ntate, re U rapela ho re fa tumelo, nala ea tumelo bosiuung bona. 'Me U tseba se neng se le ka mora letsoho le leng le le leng mono, tlase pelong. Ba ne ba hloka ntho e 'ngoe, Morena. Ba phahamisitse matsoho a bona ka hlomphe, ba lebeletse ho hong ho tsoa ho Uena. 'Me ke a rapela, Ntate ea Maholimong, eng le eng, e tle e neoe batho.

³ Re U leboha ka ketelo ea maobane mantsiboea. Re U rapela ho busetsa ho rona ka ho khaphatseha ha matla le mohau, le ho re nea litakatso tsa lipelo tsa rona, hoba, ruri takatso ea rona ke ho etsa Thato ea Hau le ho bona ho etsoa Thato ea Hau. 'Me re tseba Thato ea Hau mabapi le bakuli, Ua na oa phafoa mokokotlo oa Hau bakeng sa pholiso ea rona, "Re folisitsoe ka maqeba a Hae." 'Me, Ntate, re rapela hore—hore Thato ea Hau e kholo e etsoe bosiuung bona, ho re fa tumelo ea ho lumela hoo, ka ho khaphatseha, e le hore mokuli e mong le e mong a tle a fole, 'me motho e mong le e mong ea lahlehileng a tle a hopole hore U hlabetsoe litlolo tsa rona. Aba sena, Morena.

⁴ Ba tsebe hore ha feela e—e Sehlabelo se mali se lutse Mono bakeng sa bona, libe tsa bona li ke ke tsa bonoa ke Molimo. Empa ha ba ka shoa ba sa paka Hoo phatlalatsa le ho E amohela, le ho tsoaloa labobeli, ho ke ke ha ba le mokhoa ho bona ho kena 'Musong le ka mohla. 'Me bona e be bosiu booo motho e mong le e mong ea seng tlas'a Madi a hohobele kapele tlas'a Mali bosiuung bona, ka Lebitso la Morena Jesu. 'Me re tla U thorisano. Amen.

⁵ Ke monyetla o moholo haholo ho ba mona bosiuung bona le ho bua hape. 'Me maobane mantsibua re bile le nako e monate haholo, ketelo ea Morena. Empa ka le tsoarella halelele haholo. Ha ke khone ho tsoara nako, ka mokhoa o itseng.

⁶ Letsatsi le batla le le lengata haholo kajeno. Ke ne... Moranyana oa ka, Joseph, esale a 'ngamola hlooho ka ho ea sesa.

Moo re lulang letangoana le teng, le kampetsoe kahare, eaba o re, “Tloo, nchebe, ntate. Ke khona ho sesa.”

Ka re, “Ho lokile.”

⁷ Ka theohela mono hoseng hona, ka nka Bibehe ea ka, le tse ling . . . ho ngola lintlha tse itseng. 'Me ha ke ntse ke bala, a . . . ke enoa a etla ka marikhoana a hae a ho tola, a re, “Nchebe, ntate, ke khona ho qoela!” Be, haeba nkile ka bona senqanqane se tlolela ka metsing! A ema, 'me metsi a tsoa nkong le molomong, a re, “Ke sebelitse joang?”

Ka re, “U ntse u sebetsa hantle.”

⁸ 'Me ke hopola khetlo le leng mohla ke buileng joalo ho ntate oa ka. Letangoana la khale, pele re fihla nokeng, ho e-na le letamo, 'me rona bana ra tlameha ho phetla seretse se setala seo motšeo ho lona, 'me ra . . . metsi a ne a sa teba botebo ba lisenthimithara tse tšeletseng. 'Me ke sa phetse ho bolella ntate, “Ke khona ho sesa.”

⁹ Kahoo thapama e 'ngoe ea Sontaha a tsoela mono. 'Me mono ho ne ho behiloe kalana. 'Me ka khutlela lihlahleng ka hlobola liaparo tsa ka, le ntho eohle e hloboloang; ho motsula sepekere se le seng feela, le a tseba. 'Me ba bakae ba boneng ntho e joalo? Ke a bona. Ke apere para ea diofarolo feela, e se nang makrusepane; ke e—e khole feela ea furu, bakeng sa gallus, le sepekere feela. Ke hula sepekere feela, 'me ke phetho seo u lokelang ho se etsa, ho qhomela ka hare. 'Me ka ema holim'a kalana ena 'me ka tšoara nko ea ka, le a tseba, le ho lakomela ka hara ntho eo, 'me seretse sa fofela holimo ha *kaalo*. Ntate o ne a lutse tlase mono, a nchebile. Ka re, “Ke ntse ke sebetsa joang?”

¹⁰ A re, “Tsoa mono u tlohe u itlhatsoe!” Ke ne ke nahanne hore ke khale hakae!

¹¹ 'Me, le a tseba, nako e a re siea, ha e etse joalo? Re mpa re se na nako, ekare joalo, hape, ea ho etsa lintho. 'Me nako ha e a emela motho ofe. Ka hona re tlameha ho sebetsa re sa khona, hoba hora ea tla mohla moloko ona o tla fela, 'me ho tla hlaha moloko o mong, haeba moloko o mong o le teng. Ka 'nete, ke e bua ka pelo ea ka eohle, (ha ke tsebe hore na O tla neng; ha ho le ea mong oa rona ea tsebang), empa, kannete, ha ke lumele ho tla ba le moloko o mong. Ke lumela Krete o tla tla molokong ona. Ha ke tsebe nako efe, joale, ekaba bosiu bona kapa e ka ba lilemo tse leshome ho tloha joale, kapa tse mashome a mabeli, empa ke lumela hore O tla ba molokong ona. Ke ntse ke lumela hoo. Haeba A sa etse, ke batla ho phela eka hoja A le joalo, le hona, hoba ke a tseba e ka ba letsatsi la ka la ho qetela, kapa letsatsi la hau la ho qetela.

¹² 'Me hape, hopolang, ha re ka tsamaea pele A fihla, re tla be re nyolohile le ka pela Sefahleho sa Hae, kapa, ho nyolloa pele ba bang ba fetoha. “Terompeta ea Morena e tla lla, ba shoetseng ho Krete ba tla tsoha pele. Ke moo rona ba phelang ba setseng

re tla fetoha hang, ka ho panya ha leihlo, le ho 'nkoa le bona, ho ea kopana le Morena sebakeng.” Shebang tatellano ea tsoho. Le a bona, Molimo o tseba re labalabela ho bona baratuo ba rona. 'Me ha re ka ea koo ho kopana le Eena pele, re tla be re qamaka ho bona haeba 'mè kapa ntate le ba bang ba ne ba le teng. Empa na le bona joang, Moea o Halalelang ka bohlaeng ba Hae? Re kopana le ba bang pele, 'me e tla re ha re fihla mono re bina *Mohau o Hlollang*, ke mohla ho tla fihla nako ea khumamelo. Le nahana hore ke itšoere ka mokhoa o hlollang joale, nchebeng holimo Mono! E tla ba nako e monate ho 'na le ho rona bohle ha re fihla Mono.

¹³ Joale ha re baleng a mang Bibeleng ea khale e bokoang mona bosiueng bona. Ha re phetleng ho Baroma, khaolong ea 4, 'me re bale karoloana feela Bukeng ea Baroma. Ke batla ho bala libaka tse peli bosiueng bona, ho tsoa ho Genese le ho tsoa Bukeng ea Baroma. Joale Bukeng ea Baroma, khaolo ea 4, temana ea 17.

(Joalokaha ho ngoliloe, Ho thoe ke u beile ntata lichaba tse ngata,) ka pel'a eo a lumetseng ho eena, e leng Molimo o phelisang ba shoeleng, o bitsang lintho tse leng sieo eka hoja li le teng.

Ke eena ea lumetseng ka tšepo, ho se na tšepo, hore e tle e be ntata lichaba tse ngata; ho ea ka se ngoliloeng, Ho thoe leloko la hau le tla ba joalo.

'Me kahobane a ne a sa fokole tumelong, ha a ka a bala 'mele oa hae o seng o shoele, athe lilemo tsa hae li ne li le lekholo, le joalo . . . ho shoa ha pōpelo ea Sara:

Ha aa ka a thekesela tšepisong ea Molimo ka ho se lumele; empa a tiea tumelong, a tlotlisa Molimo;

'Me a kholisehile ka botlalo hore, seo a neng a se tšepisitse, o na le matla a ho se etsa.

Ka baka leo a balloa hoba ke ho loka.

Joale ha ho a ka ha ngoloa ka baka la hae a 'notši, hore ho balloe eena;

empa le bakeng sa rona, ba tlang ho balloa, ba lumelang ho ea tsositseng Jesu Morena oa rona bafung;

O ile a neheloa ka lebaka la tlōlo ea rōna, 'me a tsooa hore re beoe ba lokileng.

¹⁴ Oh, kamoo ke ratang Hono! Leo ke le leng la Mangolo ao ke a ratang ka ho fetisisa a Bibehe, hobane le tiile holim'a seo Molimo o neng o le sona, seo O se tšepisitseng le ho ana hore O tla se etsa. 'Me joale ke khethile sehlooho sena hobane ke nahana hore kopanong efe kapa efe, ho bona tumelo eo re e boneng e hlakisoa mona maobane bosiu, ho se motho ea fokolang hara rona haese ea folisitsoeng. Matla a makakang a Molimo a tlileng le seo A se entseng! Eaba ke a nahana, haeba re ka haha re potile ntho

e tiileng, ho e—e finyella pheo, ho tla babatseha hakae ha re ka otlala bosiu boo bo bohola kapa hora ea sehlohloho.

¹⁵ 'Me re lokela ho hopola hoba ha ho letho le ka etsoang tumelo e le sieo, 'me pele le tlameha ho ipolela. Hobane Ke e—Ke Mothei oa tumelo, re tseba seo, 'me ho ke ke ha etsoa letho tumelo e le sieo. 'Me ha tumelo e le sieo ho ke ke ha khahlisoa Molimo.

¹⁶ 'Me joale Ke Moprasta e Moholo oa maipolelo a rona. Joale e—e King James mona, Bukeng ea Baheberu, e re “phatlalatsa.” Ho *phatlalatsa* le ho *ipolela* ke ntho e le 'ngoe, ho phatlalatsa le ho ipolela. *Boipolelo* bo bolela “ho bua ntho eona eo”: “Ke folisitsoe ka maseba a Hae,” le a bona, “Joale ke bolokehile ka Bophelo ba Hae.” 'Me joale, pele, re loketse ho e bolela; 'me O lutse e le 'Muelli, le 'Muelli a le mong feela mahareng a Molimo le motho, 'me O lula mono ho buella maipolelo holim'a seo re bolelang A se entse. Ke e—ke ho tiea, ntho e tiileng hakaakang eo!

¹⁷ 'Me joale ke batla ho bala Lengolo le leng, le fumanoa koana Bukeng ea—ea Genese, khaolo ea 22, 'me ha re qaleng ho bala mona nkare temana ea 7.

Eaba Isaaka o bua le Abrahama ntatae, a re, Ntate: a re, Ke 'na enoa, mora ka. A re, Bona mollo le patsi ke tsena: empa nku ea sona secheso e kae?

Mme Abrahama a re, Mora ka, Molimo o tla iponela nku ea sona secheso: eaba ba tsamaea ba babeli hammoho.

Eaba ba fihla nqalong eo Molimo o 'moleletseng eona; Abrahama a haha aletare teng, a lokisa patsi, a tlama Isaaka, mora hae, a 'mea holim'a eona—aletareng holima patsi.

Abrahama a nanabetsa letsoho la hae, a nka thipa ho hlaba mora hae.

Eaba lengeloi la MORENA le mo hoeletsa le le leholimong, la re, Abrahama, Abrahama: a re, Ke 'na enoa.

A re, U se ke oa bea letsoho la hau holim'a moshanyana, 'me u se ke oa mo etsa letho: hobane joale Ke a tseba hore u—hore u tšaba Molimo, le ho bona u . . . ha u a ka oa nkanela ka mora oa hau ea mong ho uena.

Eaba Abrahama o emisa mahlo a hae . . . 'me bonang pheleu ka mora hae e ne e tšoasitsoe ka linaka morung: Eaba Abrahama o ea a nka pheleu, a e hlabela holima . . . e etse secheso bakeng sa mora hae.

Abrahama a rea sebaka seo lebitso, la Jehova-jire: joalokaha ho thoe, Ho tla bonoa thabeng ea MORENA.

¹⁸ Sehlooho seo ke batlang ho se nka mono, haeba se ka bitsoa sehlooho, *Jehova-Jire*, lentsoe le bolela “Morena o tla Itlhaahisetsa sehlabelo.” Haeba A se na se seng, A ka hlahisa se seng. Ke leboha seo haholo. Joale taba e kholo ena! ‘Me joale ho bala mono, seo “Abrahama ha a ka a thekesela tšepisong ka ho se lumele; a mpa a ipha matla, a ntse a boka Molimo.”

¹⁹ Joale, Abrahama ke eena eo Molimo o entseng selekane le tšepiso ho eena; ‘me Abrahama, e seng eena a ‘notši, empa le Peo ea hae kamora hae, “Abrahama le Peo ea hae.” ‘Me joale hopolang sena joale. Haeba re shoele ka ho Kreste, re Peo ea Abrahama haeba re tsoetsoe labobeli. Joale, ha re hlokomeleng taba ena joale re sa ithuta thuto ena. ‘Me joale ha u ka mamela ka hloko, ke na le bonnete Moea o Halalelang o tla u senolela. U tla tšoara tšepo, ‘me e tla khantša toropo ena le tsohle tse u potileng, ha feela re ka nka nako ea rona ra tšoara mohopolo, seo Moea o Halalelang o lekang ho se fetisetsa ho rona. Joale, Abrahama, ea bitsitsoeng, o ne a fuoe tšepiso, ho Abrahama le Peo ea hae.

²⁰ Joale lintho li ngata haholo kajeno, metsoalle, tse bitsoang Bokreste, athe hase Bokreste.

²¹ Joale, ha ke batle ho bua sena feela. Empa nka mpa ka ema mona ‘me ke tumme ruri hara batho, ‘me—‘me bohle ba u phathatsa mokokotlo, le tsohle tse joalo. Empa hape ke loketse ho kopana le sehlopha seo Kahlolong, ho ikarabela ka eona. Kahoo ke—ke tlameha ho bua ‘nete feela.

²² Joale re ka sheba liphutheho, le holima lefatše kajeno, holima se bitsoang Bokreste, le ho bo fumana bo le limaele tse milione hole le Bokreste. ‘Me e boletsoe pele ka Bibeleng ho tla ba joalo. Joale ba bangata ba amohela Kreste ka mokhoa ho thoe, “Be, ke a Mo lumela.” Khele, liabolosi o lumela hona hoo. Le a bona? ‘Me bongata ba bona ba leka ho e amohela ka maikutlo, ho re, “Be, ke buile ka liteme. Ka hobela ka Moea.” Ke bone lingaka tsa boloi li etsa ntho eona eo, le litantši tsa liabolose koana Afrika; ehlile, ho bua ka liteme, le ho noa mali ka lehateng la motho, le ho bitsa liabolosi. ‘Mè ke Moindia, halofo ea Moindia, le—le batho bahabo. Ke ba bone ba nka pensele ‘me ba e bea fatše *joalo*, le ho bona pensele e tlolaka e ngola ka lipuo tse sa tsejoeng, ba ema mono le ho e toloka, ba ntse ba bitsa liabolosi. Ehlile. Le a bona, u ke ke ua tsamaea ka maikutlo. Le a bona, bophelo boo u bo phelang bo paka seo u leng sona. Le a bona? Ho sa tsoetelehe mofuta oa maikutlo, u ke ke oa thea Bokreste holima maikutlo afe.

²³ Ke bophelo! Jesu o itse, “Le tla ba tseba ka tholoana tsa bona.” Hase ka maipolelo a bona, hase ka seo ba se buang. ‘Me Jesu hape o itse, “Le tla ho ‘Na ka melomo ea lona, athe pelo tsa lona li hole le ‘Na.” Ke hore, ao ke maipolelo a bona. Le a bona, bophelo ba hau bo a bolela. ‘Me ha motho a re o lumela Molimo,

'me a latola Lentsoe le le leng la Bibe le ena, kapa ho Le fetola ka mokhoa ofe, khele e loketse ho fosahala.

²⁴ U re, “Linthoana tsena ha li etse phapang ea letho.” Ruri li a e etsa.

²⁵ Lentsoe le le leng le lenyenyane ke lona le re kentseng mathateng ana kaofela; e seng ho se Le lumele, empa ho Le beha malulong asele feela. Eva o lesitse Satane ho fosa, ho mo behela lebaka feela. Tlase ha Moena Williams, ke sa tsoa qeta ho haola mono tlase Santa Maria. Ke eona ntho e re tlositseng tšimong ea Edene, 'me ea hlahisa ngoana e mong le e mong ea kulang. Joaloka, ke rapeletse lesea le thefulehang le robotse mono, metsotsoaneng e 'maloa e fetileng, ho keneng. Hoo ho entsoe ke'ng? Hase hobane Eva a sitiloe ho Le lumela, empa o amohetse lebaka feela, hore e ka ba taba e utloahalang sena se tla itokela. 'Me e hlahisitse lefu le leng le le leng, boloetse bo bong le bo bong, masoabi 'ohle, masisapelo a mang le a mang. 'Me re ka khutlela joang hape kahare? Haeba e bakile—haeba e bakile lilemo tse likete tse tšeletseng tsena tsa sena, re tla khutla joang ka ntho e ka tlasana ho Lentsoe le leng le le leng le phethahetseng kamoo Le ngoliloeng kateng?

²⁶ Liabolosi o hlotse ntoa holima moloko oa batho ka ho behelana mabaka le moloko oa batho. Lebaka feela, “Hobaneng, ho a utloahala hore *sena* se tla ba joalo? Ho a utloahala.” Efela ha mabaka a le khahlano le Lentsoe, etlaba ho bea lebaka ho phoso! Lentsoe le nepahetse, kamoo Le ngoliloeng ka teng feela! U se ke ua itlhalosetsa lona ka mokhoa ofe. Le boleloe kamoo Le ngoliloeng, le ho Le lumela joalo. Le a bona? Molimo o a ile oa Le hlokomela. Le hantle feela kamoo Le loketseng ho ba kateng, ka hona ha re Le lumeleng ka tsela eo feela.

²⁷ Joale, ke Lentsoe, Lentsoe le leng le le leng! Le leng. . . Moea o Halalelang ka hara motho; polelo e 'ngoe le e 'ngoe ea Bibe le, Moea o Halalelang ka ho uena o tla chaella ka “amen,” hobane Moea o Halalelang o ngotse Bibe le. 'Me haeba A ahile ka ho uena, A ka rialo joang, “Be, E ne e le baletsoe mongoaha o mong, Leo le ne le baletsoe *sena*, kapa Leo le ne le baletsoe *sane*”? A ka rialo joang 'me ebe Moea o Halalelang ka ho uena? Ho ke ke ha etsahala. O tlameha ho re “amen” ho Lona!

²⁸ Joale, joaloka ha ke boletse tsatsi le leng, ntho ea pele eo Molimo o e fileng batho ba Oona, ho ba sireletsa, e ne e le Lentsoe. 'Me ha O eso fetohle. O ke ke oa fetoha. Joale, litumeloana li ke ke tsa sebetsa, liphutheho tsa bolumeli li ke ke tsa sebetsa, thuto e ke ke ea sebetsa, ha ho le e 'ngoe ea lintho tsena, e 'ngoe le e 'ngoe ea tsona e hlolehile ka botlalo 'me e tla hloleha. Ho na le Ntho e le 'ngoe feela e tla sebetsoa, ke Lentsoe.

²⁹ 'Me mokhoa o le mong feela oo re ka tlang ka Lentsoe, ke ka Mali. Eona feela nqalo eo motho a kileng a khumamela Molimo ho eona, o ne a loketse ho kena tlas'a Mali. Boitlhophis

bo bong ha bo fumanoe ho hang. U ke ke oa tla tlasa lebitso la Methodise, u ke ke oa kena tlasa lebitso la Pentekosta, u ke ke oa kena tlasa lebitso la Katolike. Likereke tsa Katolike ke ditosene, tse fapaneng, li fapana le tse ling, Orthodox, le Bagerike, le Roma, 'me li pshatlehile habohloko joaloka Protestanta. Maprotestanta, Methodise, Baptise, Presbeteriene, Luthere, Katolike, oh, e 'ngoe le 'ngoe, mefuta ea tsona eohle e a fapana. 'Me ke tseo, le a bona. Empa motheo oa kopano o mong feela, mono ke tlasa Mali! 'Me Mali ke Bophelo, 'me kamehla a tla lumellana le Lentsoe, kamehla le Lentsoe.

³⁰ Joale, re a tseba hore bophelo bo ka hara bong bo botona, bo maling, hemotlelobini. Ka hono sethole se ka behela lehe, empa haeba se sa kopana le nonyana e tona, se ke ke sa qhotsa le ka mohla. Ehlile, ha se a nona. Ke etsa joalo, litlhahiso tsa ka tse khohlhahetseng, ke itse nonyana e tšehali e ka alama sehlaha se tletseng mahe, 'me e ka tšepahala ho 'ona kamoo e batlang, e ka a fuama, le ka mapheo a eona, le ho a phethola metsotso e meng le e meng e seng mekae e le hore a tle a qhotsoe ruri. 'Me—'me se ka ipolaisa tlala, sa itima lijo, ha se ntse se lutse sehlaheng, ho tšepahalla mahe ao, sa sotleha hakaale hofihlela se sa khone ho fofa se tloha sehlaheng. Haeba se sa kopana le nonyana e tona, 'me mahe ao a nonne, a tla robala sehlaheng a bole haeba se sa kopana le molekane. Ke hantle feela.

³¹ 'Me likereke tsa rona li batla li fetohile hoo, ho kentsoe feela sehlopha tlasa maipolelo a batang, motjeko o mohlolo kapa tšisimoho ea mofuta. 'Me ba etsa eng? Ho se lumele Lentsoe, ho fihlela re fumane sehlaha se tletseng mahe a bolileng feela. Ke nako ea ho hleka sehlaha le ho qala bocha. Ho fihlela ba kopana le e Motona, Krete Jesu, le ho tsoaloa labobeli ka Lentsoe. A tlameha ho qhotsoa, hobane ke Bophelo.

³² Ha se khale ha ke ntse ke ja tinara le e—e moreri oa khale oa Methodise, 'me ka utloa The Agricultural Hour ho tsoa—ho tsoa Louisville, 4-H Club e ntse e bua, ho thoe “Ba sibolotse machini a ka ntšang thollo ea poone e joalokaha eo ba e jetseng tšimong.” Ho re, “O khona ho hlahisa lijo-thollo tse tšoanang, bohobe bo tšoanang ba poone, e ne e le poone e le 'ngoe feela. Ho e seha joalo, ho e beha tlasa leseli, ho e isa laboratoring; pelo ea eona e malulong a nepahetseng, le ntho eohle, le mongobo o lekaneng, k'halsiamo, potashe, sohle se ka hara poone se robetse hantle feela.” Ho re, “Haeba u ka tlatsa letsoho ho tsoa mokotleng o lenngoeng tšimong, le mokotla o entsoeng ke machini, kapa ho etsoa, le ho li kopanya, u ke ke oa khetha phapang ea tsona ka leihlo la nama, kapa ka ho e petsola, kapa mahlale afe a ke ke a fihlela phapang le ka mohla. Mokhoa feela oa ho bolela phapang ke ho li epela.” Ke sona se bolelang.

³³ Monna a ka shebahala joaloka Mokreste, a ka itšoara se sa Mokreste, a ka iketsa Mokreste. Empa haeba a se na lefi la

Bophelo ka mono, a ke ke a tsoha hape; o tlameha ho rua lefi leo la Bophelo ka mono, ho ba le Bophelo Bosafeleng.

³⁴ 'Me motho mang ea ithutileng Segerike, o o a tseba hore leo "Bosafeleng" le tsoa lentsoeng *Zoe*, le bolelang "Bophelo ba Molimo ka Sebele," ho fetoha karolo ea Hae; joalokaha u le karolo ea ntatao. U fetoha karolo ea Molimo. 'Me Bophelo ba Molimo ka Sebele bo a aroloa bo beoa ka ho uena, 'me Bo ke ke ba shoa, hoba Ke Bosafeleng. Ntho efe e qalang, e a fela; empa ha A eso ka a qala, kahoo A ke ke a fela. Ke Bosafeleng, 'me uena u Bosafeleng 'moho le Eena. Ho se shoe joalokaha le Oona o ke ke oa shoa, hoba u fetoha karolo ea Hae. U tsoetsoe ke Eena. Amen. Ke ho tsoela pele feela ho bua ka taba eo, 'me ha ke sa tla finyella thuto ena.

³⁵ Oh, ke thabile haholo ho ba Mokreste! Ke—ke—ke—nke ke ka ananya malulo le motho lefatšeng, e seng lipresidente, likhosi. Haeba ba ka mpha lefatše lohle, ha thoe nka phela lilemo tse milione; ka morao ho moo ke ne ke tla shoa, ka mora lilemo tse milione. Empa joale, lilemo tse milione, khele, e ke ke ea ba letho joale, re tsoelapele ho phela, ho se lefu. Kahoo ho monate haholo ho ba Mokreste!

³⁶ E ne e bua ka Abrahamama! Ha re khutleleng morao. Joale re Peo ea Abrahamama haeba re le ho Kreste. 'Me ha u le Peo ea Abrahamama, u ruile tumelo e tšoanang le ea Abrahamama, hobane e ne e le tumelo ea hae eo re buang ka eona. Haholo-holo ka hara kereke joale, ke Peo ea borena ea Abrahamama. Lipeo tsa Abrahamama li ne li le peli. E 'ngoe ea tsona e ne e le ea tlhaho, Isaaka; e 'Ngoe e ne e le Kreste, tšepiso. Kahoo ka Isaaka, Iseraele e ile ea hlohonolofatsoa; ka Kreste, o fetoha ntata lichaba. Le a bona? Ka baka leo Peo ea borena, e ne e fetisa hakakang ka boholo peo ea tlhaho ea Abrahamama. Ka hona ha u le ka ho Kreste, u ruile Peo e kholohali, e kholohali ho feta seo Abrahamama a neng a le sona, hoba u tliile ka Peo ea borena, Kreste. Ekareha le shoele ka ho Kreste, joale le bana ba Abrahamama, 'me le ruile Peo ea Abrahamama le tumelo ea Abrahamama. 'Me tumelo ea Abrahamama e ne e le Lentsoeng la Molimo ho sa tsotellehe se etsahetseng. O bitsitse tse neng li le sieo eka hoja li ne li le teng, hoba Molimo o boletse joalo. Ke tšepiso e kaakang!

³⁷ Joale ha re khutleleng morao sekotoana 'me re thee mehopolo ea rona. Ha re khutleleng teng, pele re fihla ho Jehova-Jire, ho Abrahamama. Ha re khutleleng morao, re khutlele morao hanyenyane Lengolong. Ha re khutleleng khaolong ea 12. Re bala mona khaolong ea 22. Ha re khutleleng khaolong ea 12, selekane se entsoeng le Abrahamama. Joale, selekane, li ne li le tharo... lilekane tse peli.

³⁸ Joale, Molimo o phethahatsoa ka boraro. Re tseba lipalo tsa Molimo. Phetheho, ka boraro; khumamelolo, ka supa; le leshome-peli; 'me mashome a mane, ke moleko; mashome a mahlano,

ke Jubilee; le joalo-joalo, Molimo ka hara palo tsa Hae—tsa Hae. Joale, Molimo o phethehile ka tharo; joaloka Ntate, Mora, Moea o Halalelang; tokafatso, khalaletso, kolobetso ea Moea o Halalelang; le joalo-joalo.

³⁹ Joale, lilekane li ne li le peli. Se seng sa tsona e ne e le selekane sa Adama. Molimo oa hlaba selekane le motho, “Ha u ka etsa, Ke tla etsa.” ’Me a se roba. Eaba Molimo o hlaba selekane le Nohe; seo e ne e le selekane sa Nohe, ’me sa robjoa.

⁴⁰ Joale O hlaba selekane sa bo-Abrahama. ’Me selekane sa Abrahama, ho latela Genese khaolo ea 12, ho se lipehelo. Ka baka leo ke Bosafeleng, hobane ha se na lipehelo. E seng “Ha u ka khona, Ke tla khona.” O itse, “Ke se ke! Ke e entsa.” E seng “Ke tla e etsa.” “Ke e entsa!” Hoo, oh, hoo, hoo ho thea tumelo. Le a bona, ha se . . . Molimo o ikemiselitse ho pholosa motho. O etsa selekane, “Ha u ka etsa, Ke tla etsa,” o ne a se roba. Se seng, “U tla etsa, Ke tla etsa,” o se robile. Motho ha a khone ho boloka selekane sa hae, kahoo Molimo o pholosa motho ka mohau oa Hae, tlasa selekane se se nang lipehelo, selekane se se nang lipehelo. Oh, khili! Ha se felle le ka mohla, e ne e le kaofela ha eona; tharo, phetheho. Nohe, Abrahama, ’me ke bolela . . . Che. Adama, Nohe le Abrahama. Joale, ke ka hona re leng bana ba Abrahama, selekane seo se ke ke sa felisoa, ha se fele le ka mohla, hobane ha se na lipehelo. Ha se . . . Ha se hobane u etsa ho hong; ke hobane Molimo o entsa ho hong! Hase hobane u khethile Molimo; Molimo o u khethile! Na le lumela seo?

⁴¹ Batho ba re, “Oh, Moena Branham, ke batlile Molimo ’me ka ba ka batla Molimo!” ’Me ha u a ua etsa joalo! Ha ke batle ho u bolella seo, empa ha u a etsa joalo. Ke Molimo o u batlileng. E ne e le Molimo o u batlileng.

⁴² Jesu o itse, “Hase lona le Nkhethileng; Ke ’na ke le khethileng. Ha ho ea ka tlang ho ’Na a sa huloa ke Ntate oa Ka, ’me bohle bao Ntate a ’Neileng bona ba tla tla ho ’Na.” Joale, le a bona, e ne e se eona. Motho a ke ke a ithorisa ka letho. Ke Molimo! Oh, ho babatseha hakakang ho bona e—e mohau oa sebele oa Molimo, kamoo o leng kateng!

⁴³ ’Me kamoo batho ba nkileng Molaetsa oa mohau ’me ba O fetotse sesomo! Joaloka kereke ea ka e theko e thata le lona batho ba bohlokoa ba Baptiste, ha le senya mohau joalo, le hlile le o lubakantse.

⁴⁴ Motho o buile le ’na nakoana e fetileng, ho re, “Moena Branham, joale u a tseba u ne u le Mobaptise ea lokileng.”

Ka re, “Ke sa ntse ke ikutloa joalo, ke mpa ke phahametse holingoana.”

⁴⁵ A re, “Be, joale sheba,” ho re, “Abrahama o lumetse Molimo, ’me a balloa hoba hoo ke ho loka. Abrahama o ne a ka etsa hofe ho fetisang haese ho lumela?” ’Me a re, “Ha re lumela Molimo, re amohela Moea o Halalelang.”

46 Ka re, “E fapane hakaakang le Santa Pauluse! Santa Pauluse o boletse, ho Liketso 19, ‘Na le amohetse Moea o Halalelang ho tloha le lumetse?’ Ha se *mohla* le ne le lumela; ‘ho tloha’ le lumetse!”

47 A re, “Be, Abrahama o lumetse Molimo, ke phetho seo a neng a ka se etsa.”

48 Ka re, “’Nete. Empa eaba Molimo o mo laela lebollo, e le tiiso ea hobane O amohetse tumelo ea hae.”

49 ’Me haeba A eso u bolotse ka Moea o Halalelang, ha A eso amohele tumelo ea hau. Ke hantle. Leo ke lebollo la pelo le moea. Molimo o aba Moea o Halalelang e le tiiso e reng O amohetse tumelo ea hau. Joale, ha u khaotsa ho lumela, le ho thekesela hohle; le ho lumela Molimo feela, Molimo o tla bolotsa pelo eo. ’Me hoo ho poma ho se lumele hohle, ho bolotsa lefatše le ho se lumele hohle ho uena; le ho ema, Lentsoe feela. Jesu o itse, “Ekare ha le lula ho ’Na, le Lentsoe la Ka le le ho lona; le ka kopa seo le se batlang, le tla se neoa.”

50 Ke bona bothata ba kereke kajeno. E tlasa maikutlo, e tlasa thuto, e tlasa tumeloana. Ha ho makatse, ha e kobotelitsoe! Le a bona? Ka baka leo re hloka lebollo, ho khaola ntho eohle. Khutlelang ho Molimo le Lentsoe la Hae, ’me le Le lumele kamoo Le ngoliloeng kateng mono, ’me le se ngangisane le Lona. Lula le Lona feela. Molimo o entse tšepiso, Molimo o boloka tšepiso ea Hae. A ke ke a etsa letho lesele haese ho boloka tšepiso ea Hae, ’me a lule e le Molimo.

51 Joale selekane sena se se nang lipheho. Hase “haeba u ka khona, Ke tla khona, empa Ke tla khona hamorao,” kapa ntho e kang eo; “Ke se ke u neile lefatše, le Peō ea hau e u latelang!” Amen. Le a bona, e se e e entse! Ke mosebetsi o phethiloeng.

52 U itse, “O entse hoo ho Abrahama.” E, ha se Abrahama feela, empa Peō ea hae e mo latelang.

53 ’Me ha re le Peo ea Abrahama, ke sehlahisoa se phethiloeng. “Bao A ba tsebileng pele, O ba bitsitse; bao A ba bitsitseng, O ba beile ba lokileng; bao A ba beileng ba lokileng, O bile o ba tlotlisitse.” U tšohile eng? Ke hantle. “’Me antikreste, matsatsing a ho qetela,” ho latela Tšenolo, “o thetsitse baahi bohle ba lefatše, bao mabitso a bona a sa kang a ngoloa Bukeng ea Bophelo ea Konyana” (ho tloha tsoseletsong ea ho qetela? Che) “pele lefatše le theoa.” Ke mohla lebitso la hau le neng le ngoloa Bukeng ea Bophelo ea Konyana, mohla Konyana e neng e hlajoa. Molimo o buile Lentsoe; Le ne le lutse mohopolong oa Hae, monahanong oa Hae, O buile Lentsoe ’me tsohle li etsahetse ka eona nako eo. Ena e mpa e le Peo ea Molimo e iphang tšobotsi, ke phetho, Mantsoe a Hae a theohang. Joale, ha Leseli la Molimo le halima holima ntho eo, ka potlako Peo eo e a Le elelloa, hoba E tsoetsoe ke Molimo. Ke Peo ea Abrahama, e tsebiloeng pele ke Molimo. Ke ka baka leo Leseli le halimang, ke ho tšoara Peo eo. Haeba e . . .

54 Re ne re tšoare tsoseletso. Joele o boletse. Re phehisana haholo ka pula ea morao, ra thea metsamao e bitsoang “pula ea morao,” pula ea morao, pula ea pele, pula e kahare, pula e kantle. Ke ne ke bala letsatsi le leng. Na le a tseba *pula ea pele* e bolelang ka lentsoe la Seheberu? Ha ke khone ho le bitsa hona joale; ha ke a le ngola fatše, le balehetse mohopolo oa ka. Empa *pula ea pele*, pula ea ho qala, e bolela “pula ea thuto.” Pula ea bobeli ke Moea o theohelang holima se rutiloeng, 'me e hlaha chai. Hobaneng re fumane tsoseletso ea mofuta ona? Pentekosta, Baptise, lifate tse ling tsohle li hlahisitse menoko ea tsona, joalokaha Jesu a boletse li tla etsa. 'Me re qhotsitse eng? Mabaptise a ipoletse a “fumane milione o mong ka '44.” Shebang Katolike, kamoo ba eketsehileng. Shebang mekhatlo eohle ea liphutheho. Shebang Pentekosta. Re entseng'ng? Re jetse lipeo tsa mekhatlo ea malumeli, re kotutse kotulo ea mekhatlo ea malumeli. Khele, kereke e loketse ebe e tukela Molimo hona joale, holane ha jaloa peo ea Lentsoe morao koana, 'me ho ne ho tla hlaha lipontšo, meeka, le mehlolo, 'me kereke eo e ne e tla ba 'moho, pelo e le 'ngoe, khopolo e le 'ngoe, le ho hoanta ho ea Sione, bakeng sa Hloibilo. Ke hantle. Re entse'ng? Re ralile lipuo tsa hlalefo sebakeng sa Lentsoe. Re beile mabaka khahlano le Lentsoe, le ntho eohle esele.

55 Re lokela ho khutlela morao Lentsoeng. Ho fumana . . . Re tla e etsa! Molimo o itse, “Ke tla khutlisetsa, ho bolela Morena, lilemo tsohle tse jeloeng ke marutle le seongoana.” Se tla thunya nakong ea mantsiboea. Ho tla hlaha e mong ka Molaetsa, o tla khutlisetsa lipelo, kapa tumelo ea bana morao ho Tumelo ea bontate. O e tšepisitse ho Malakia 4, hore O tla e etsa, ho ba busetsa morao hape.

56 Joale, eo ha se Elia ea boletsoeng kahara Bible; Jesu o boletse ho Mattheu 11, “Haeba le ka e amohela, Johanne e ne e le Elia ea neng a tla tla,” oa Malakia 3. “Bonang, Ke romela lenqosa la Ka pela sefahleho sa Ka,” Malakia 3, le fumana seo.

57 Empa hopolang, Malakia 4, Molaetsa o a fihla, “Letsatsi le tšabehang la Morena le tla tla, le tla chesa lefatše lohle, 'me ba lokileng ba tla hatikela melora ea bakhopo.” Seo ha se a etsahala kamora Johanne. Che, haeba e ne e le joalo, e tla ba Lengolo le lahlehetsoe ke matla a Lona, Le boletse ntho e neng e se joalo. Re fetile lilemo tse likete tse peli ho tloha mohlang oo, lefatše ha le eso chesoe haesale, ho hang. Le joalo ba lokileng ha ba eso hatikele e—e melora ea bakhopo. Empa re sa ntse re emetse ntho eo e tlang ho nka Tumelo, le ho khutlisetsa tumelo ea bana morao Sefateng sa mantlha sa pentekosta se jeloeng ke marutle, lerutlè la Roma, seongoane. Liphutheho tsohle tsa bona tsa malumeli le litumeloana li Se jele ho fihla fatše. Molimo o itse, “Ke tla E khutlisetsa hape, matsatsing a qetelo.” 'Me E tla khutlisetsoa! Molimo o tla romela Moea o Halalelang ka mokhoa o joalo, holim'a Lentsoe le lenngoeng, le tlang ho khutlisetsa. Lentsoe

la Molimo ke Peō eo mojali a tlohileng ho ea e jala.

⁵⁸ Joale, selekane se ne se abjoe kantle ho lipheho! Joale, Iseraele, peo ea tlhaho e ile ea se ananya, 'me ea lahleleoa ke sona ho Exoda 19, mohla ba neng ba etsa phoso eo ea ho tlosa mohau, le ho amohela molao litulong tsa 'ona. Ke phoso e kaakang e entsoeng ke Iseraele mono!

⁵⁹ Bonang! Molimo, hoba A etse selekane le Abrahama, mohau o se o hlahisitse moporofeta-molopolli oa bona tlase Egepeta, ho phethisa lentsoe la Abrahama. Hopolang Moshe, tlasa sehlahla, Molimo o itse, "Ke utloile lillo tsa sechaba sa Ka, 'me Ke hopola tšepiso ea Ka." Pele ho molao ofe, mohau o kile oa e baballa. Mohau o ne o hlahisitse sehlabelo sa molato oa bona, konyana. Mohau o ne o hlahise selekane, lebollo le se le abilo, pele ho molao. Mohau o ne o hlahise Topallo ea Mollo ho ba tsamaisa, ho latela moporofeta, tšireletso e reng moporofeta o ne a ba boleletse 'Nete, seo a neng a bua ka sona e ne e le Lentsoe. Ba tsebile hoba Molimo o e tšepisitse, 'me Topallo ea Mollo ke ena e thasisetsa. Ke tšireletso e menahaneng hakakang! Amen. Mohau o phethile hoo!

⁶⁰ Empa ba ipatletse seo ba neng ba ka se etsa, ho ipolokela litumeloana tsa bona le mekhatlo ea malumeli, le eng hape, ho hlahisa Bafarisi, Basadusi, le ntho eo ba neng ba ka e etsa ka bobona.

⁶¹ Motho ka mehla o leka ho ipholosa. U ke ke oa etsa hoo! Molimo o se a e entse. U tlameha feela ho e amohela le ho e lumela.

⁶² Topallo ea Mollo ho ba etella pele le ho ba tataisa, ho ba tsamaisa Tseleng. Matla, mohau o ne o hlahisitse Matla ho ahlola sera sa bona le ho ba lokolla. Matla a ne a se a hlahisitsoe. Ba tšetse Leoatle le Lefubelu. Ba ne ba bolaile Faro. Lintho tsena tsohle ba li entse ka mohau. 'Me eaba ba ananya mohau ka molao, empa hoo ho ne ho sa amane ka letho le Peo ea borena ea Abrahama.

⁶³ Peo ea borena e lekile ho etsa ntho eona eo, ho khutlela morao tlasa tumeloana ea mofuta sebakeng sa ho nka mohau le Lentsoe, le ho Le lumela. Ho khutlela morao. Empa ho tla hlaha Peo ea borena; re tla tsoarana le seo kamora nakoana, ho ea pejana.

⁶⁴ Ha re khutleleng joale ho Genese 12. Molimo o bitsitse Abrahama ka mohau. Hase hobane e ne e le motho ea fapaneng; e ne e mpa e le Abrahama feela, monna ea tloaelehileng feela. Hase hobane e ne e le moprista kapa motlotlehi; e ne e le sehoai feela. O theohile motseng oa—oa Tora ea Babilona, le ntatae, 'me ba ea aha Kaldea, Ure oa Kaldea. 'Me, teng, e le sehoai, mohlomong a lema motšeaare 'me a lema lijo tsa hae. O ne a nyetse khaitseteli ea hae ka motsoali a le mong, Sara. 'Me ba se na bana, 'me Abrahama a le lilemo tse mashome a supileng a metso e mehlano

mohla Molimo o 'mitsang, 'me Sara a le lilemo tse mashome a tšeletseng a metso e mehlano.

65 'Me Molimo o boleletse Abrahama mohla O 'mitsang, Oa re, "Ke tla u etsa ntata lichaba," 'me a fua ngoana ka Sara. Joale, e ne e le nyopa. 'Me tšali a le koana, be, mashome a tšeletseng a metso e mehlano, a se a tlotse menophose ka lilemo tse leshome kapa tse leshome le metso e mehlano. A se a phetse le eena esale a le lilemo tse ka bang leshome le metso e tšeletseng kapa leshome le metso e robeli, khaitseli ea hae ka rangoane. 'Me, bona, e bile monna oa hae lilemo tsena tsohle ho fihlela a le mashome a supileng a metso e mehlano, 'me eena a le mashome a tšeletseng a metso e mehlano, 'me eaba Molimo o theoha le ho re, "Ke tla u neha ngoana, ka eena." 'Me ha a ka a sisinyeha tšepisong ea Molimo, a mpa a e lumela!

66 Na le ka nahana leqheku, la lilemo tse mashome a supileng a metso e mehlano, le mosali, oa mashome a tšeletseng a metso e mehlano, a theoha, ba thothomela, ba theohela ngakeng, le ho re, "Ngaka, ke batla hore le hlophise kokelo joale. Re ka u bitsa bosiu bofe feela, hobane, u a tseba, re tli! o fumana lesea?"

67 Ngaka e ne e tla re, "Yaa, e, monghali, u a . . . Uh, uh, uh!" Hang ha ba tšoara mohala, ho thoe, "Le mpe le ba sale morao, phoso e teng."

68 'Me e mong le e mong ea nkang Molimo tšepisong ea Hae o 'nkoa, ke lefatše, "hlanya." Pauluse o itse, "Ka mokhoa o bitsoang 'bokhelohi,' ke kamoo ke rapelang Molimo oa bo-ntat'a rōna." *Bokhelohi* ke "bohlanga," re a tseba. Ke bothoto nqa kelello ea nama. Tumelo e a hlanya ho bohle haese ho Molimo le ea nang le tumelo. Ke hantle.

69 Empa Molimo o tšepisitse Abrahama, 'me Abrahama o lumetse seo. Ha a ka a re, "Molimo, ho ka ba joalo joang?" O itse, "Ho lokile, Molimo, ke a e lumela." 'Me ke 'mona a ea lapeng, ho re, "Sara, ha re theohe ho ea seha limilimithara tse 'maloa tsa maleiri, le ho iphumanela liphini, le ho iphumanela libutšunyana. Ra tla fumana lesea." Oh, khili!

70 Ha feta matsatsi a pele a mashome a mararo, kapa matsatsi a mashome a mabeli a metso e robeli. "U ikutloa joang, moratuo?"

"Ha ho phapang."

"Ho bokoe Molimo, re tla le fumana, leha ho le joalo!"

"U tseba joang?"

"Molimo o itsalo!"

71 Ba bang ba rona re ka rapelloa bosiu bo le bong, ra lula kopanong moo Moea o Halalelang o theohang; 'me hoseng ho latelang, haeba re sa phela, hantle, re folile, "Ke—ke sa ntse ke kula-kula maleng a ka. Ha ke sa khona le ho tsamaisa matsoho

a ka.” Uena, Peo ea Abrahamana, u se ke oa sisinyeha tšepisong ea Molimo ka ho se lumele?

⁷² Ntho ha e hlaha kahara kereke, liabolosi a ka kena hara e— e sehlopha sa batho ba khabane le ho kena ka mono le ho qala a shashara phutheho eo, ntho ea pele le a tseba, ba bang ba re, “Huh, ke tli! o tlohela Ntho ena ea khale, ho ne ho se letho ho Eona le ho qaleng.” Peo ea Abrahamana? Khele, khele! Sekolinyana sa pele seo liabolose a ka u bontšang sona, ke moo, u seng u qetile ka Lona. E u supile u ne u sa Le lumela le ho qaleng.

⁷³ Jesu o itse, “Musu o tšoana le motho ea nkileng letlooa, a ea leoatleng a le lahlela leoatleng. Eitseha a kena, o ne a tšoere lintho tsohle.” Ke hantle.

⁷⁴ Ke sona seo e—e tsoseletso e se tšoarang. Kahara letlooa e ne e le eng? U qhaultse lihohoana, likho, likhulu, hlapisehoho, linoha le lihlapi. E se khale khulu e se e re, “Be, mona hase moo nka lulang teng,” e tloha e khutlela hantle seretseng. Seokho sa khale sa metsi sa thalatsa koana, sa re, “Uh! Mona ha ke khone ho bapala papali ea karete.” Kahoo se theoha se kena seretseng hape, joaloka kolobe seretseng sa eona le ntja e khutlela mahlatseng a eona. Ke hantle. ‘Me e ntano ba Peo ea Abrahamana? Oh, khili! Lihlong tse kakang!

Peo ea Abrahamana e lumela Lentsoe la Molimo!

⁷⁵ Lula morao mono u re, “Yaa, ho bokoe Molimo, ke Mopentekosta!” ‘Me ha motho a rera ntho e holim’a Lentsoe, ke eo E ngotsoe hantle. “Allelua, ha ke lumele Hono. Che, monghali.” Peo ea Abrahamana? Huh!

⁷⁶ Joale, haeba e le bosaoana ba mofuta, ehlile, ha u e lumele. Empa haeba E le Lentsoe, Ke ‘Nete! Ke hantle. Peo ea Abrahamana e itšoarella Lentsoeng leo ‘me le letho lesele.

⁷⁷ Khoeli e ‘ngoe e fetile. “Sara, moratuo, u iikutloa joang joale? Le a tseba, ho se ho fetile matsatsi a mang a mashome a mabeli a metso e robeli, u iikutloa joang?”

“Ha ho phapang, lerato.”

⁷⁸ “Khanya ho Molimo! Ke mohlolo o moholo ka likhoeli tse peli ho feta haeba e ne e hlahile khoeli e fetileng.”

Ho fetile selemo. “Na nka beella lieta tsena kathoko?”

⁷⁹ “Che, monghali, u mpe u li boloke mono. Re tla fumana lesea leo!”

“U tseba joang hore u tla le fumana?”

“Molimo o itsalo! Ke phetho.”

Kamora lilemo tse mashome a mabeli a metso e mehlano. “U iikutloa joang, Sara?”

“Ha ho phapang.”

80 “Khanya ho Molimo! Ke mohlolo o moholo ho feta ka lilemo tse mashome a mabeli a metso e mehlano!” Ha a ka a sisinyeha tšepisong ea Molimo ka ho se lumele, a mpa a ipha matla, a tiisetse Lentsoeng la Molimo; le ho bitsa lintho tse leng sieo, eka hojane li le teng. Hobaneng? Molimo o itsalo! Oh, khili!

81 Peo ea Abrahama kajeno, khele, seo re se bitsang Peo ea Abrahama, e fokola ho feta moro o ritetsoeng ka seriti sa khoho e bolailoeng ke tlala. E, monghali.

82 Molimo o batla Bakreste ba khohlatseng ba nkang Lentsoe la Molimo, ba phela kapa ba shoelle. Ke ntho e tsoanang. Amen. “Molimo o itsalo!” Eo ke Peo ea Abrahama, e tsoetsoeng ka Moea le ka Lentsoe la Molimo. Ke eona ntho e emang.

83 “Maholimo le lefatše li tla feta, empa Lentsoe la Ka le ke ke la feta.” Ke phetho. Seo Molimo o se tšepisitseng, Molimo o khona ho se phethisa. Molimo ha o hlolehe. O ke ke oa hloleha. Ntho e ’ngoe eo Molimo o ke keng oa e etsa, ’me ke ho hloleha. O ke ke oa hloleha, ke ntho e le ’ngoe eo O ke keng oa e etsa. Empa O ke ke oa hloleha. Ha Molimo o e tšepisitse, ke ’Nete. E teng mono kamehla. E rarolotsoe kamehla. Molimo ha o bolela Lentsoe, e se e batalalitsoe.

84 Lefatše lena le ne le etsoe ka Lentsoe la Molimo feela. O boletse feela, “Ho hlahe hore,” ’me ha ba joalo. Amen. Oona mobu oo u lutseng ho ’ona bosiueng bona, eona patsi eo u lutseng holim’a eona, ha se letho haese Lentsoe la Molimo le bonahalitsoeng. Allelua!

85 Ke utloa ke tletse borapeli ha ke nahana ka Abrahama, ho tseba hore re ka ba Peo ea hae, Peo ea Abrahama e ruileng litšepiso tsena tsohle. Ha se feela ho e kholisa, Molimo o ile oa phahamisa letsoho la Hae, oa hlapanya ka Oona, hore O tla e phethisa. Kano, kamehla, selekane se tiisoa ka kano, mme Molimo o hlapantse ka Oona hobane ho se ea fetisang ho hlapanya ka eena. O hlapantse ka Oona, hore O ne o tla e phethisa.

86 Joale seo lefatše, joang, eng—bothata ke eng ka rona? Tšepiso e kang eo! Tumelo e ahiloeng mathokong a ntho e kang eo, tumelo e ahiloeng! Lentsoe le tšepisitseng lintho tsena matsatsing a ho qetela, ’me ke mona re li bona li etsahala hantle ka pela rona, ’me re sa ntse re kobotetse hohle le joale. Peō ea Abrahama? Oh, khili! Ke batla hore le tiisetse hoo, “Peō ea Abrahama.”

87 Genese 12, seo Molimo o se hlokileng ho Abrahama e ne e le karohano e iphotlileng.

88 Joale, kajeno, ba batla batsoakanyi. “Oh, ha re khetha molisa, o tlameha ho ba le moriri o mangetse, ’me a tsoa Hollywood hantle, u a tseba, ’me a ba re ‘ah-mene’ ka hamonate haholo, ’me a apara liaparo tsa maemo a holimo, ’me a khanna mokhasha-khasha oa Cadillac, le—le joalo ka mokhoa oo, ’me ke

motsoakanyi ea lokileng. O etsa *sena*. 'Me o tla fupa senonyana le rona hang ka nako, ho ikamahanya. O tla etela moketjana oa likarete oa mafumahali a holileng, 'me ba tsoarisa ba roka, ba tsoarisa le ho roka, babua ka Mofn *Sekete-kete*, le joalo-joalo, u a tseba, le tsohle ka mokhoa oo. 'Me eka khona e be mofuta o joalo oa—oa motsoakani."

⁸⁹ Molimo o itse, "Nkhetheleng Pauluse le Barnabase!" Amen. Karohano! "Tsoang ho bona 'me le se ke la nka kabelo sesileng sa bona!" Molimo o batla karohano, timeletso e felletseng ea sebe. Arohana! Ke bona bothata kajeno, lebaka leo re sa beng Peo ea Abraham, ha re khone ikarola litšomong le litumeloana, le tse joalo, tse bitsoang Bokreste, ho ea Lentsoeng le phelang. Ikarole ho se lumeleng ha hau, 'me u lumele Lentsoe la Molimo. Molimo o tla Le bonahatsa ho uena. Hantle.

⁹⁰ Genese 12, Molimo o itse, "Ikhethe ho bohle ba heno le ho tsohle tse u potapotileng." Oh, khili, ha re khone ho ikarola papaling ea likarete! Huh!

⁹¹ Ke ne ke kene reshurenteng kajeno, ha moena a kena ka mono. Ka bona ho kena mocha oa setloko tsebe ka mono. 'Me 'na le mohatsa ka ra leka ho ja, 'me ka nahana, "Ho bokoe Molimo! Ha re potlake, moratuo, pele ho kena motho." 'Me bacha ba bang ba kena mono, ba ntse ba momorotsa lino. Nka tšaba ho kopana le moshanyana eo lefifing. 'Me a kenya e—e mochini oa nalete ka mono le, kapa rekoto, le ho qala a letsa lintho tseo tsa booglie-wooglie ea khale, le—le ho ema mono, a tsamaea *tjena*, le a tseba, a ntse a itobolaka *joalo*. Ka re, "Helang, mohau!"

⁹² Meda a re, "U se ke—u se ke ua ea koo ho lefa molato oo. U eme hantle mona, e re ke tsamaee le uena." O ne a tšohile.

⁹³ Mang ka mono, lintho tse kang tseo re li fumanang kajeno, sechaba sa Bokreste, oh, ke ntho e kakang! Karohano! Liphersente tse mashome a robong tsa bao ba bina lik'hoaereng, Elvis Presley, le Pat Boone, le tseo tsohle, le Peabody Ernie, seo ba 'mitsang sona tlase mono. Khele, ho hobe ho feta Judase Iskariota! Judase Iskariota o ile a rekisa, o thotse likotoana tse mashome a mararo tsa silifera; Elvis o mo siile morao, o thotse lethala la di-Cadillac le botumo bo boholo. 'Me kahobane bana ba banyenyane bana ba bona nyee eo e tsoela pele, ho re, "Ke motho oa morapeli." Eo ke liabolosi! Ruri! Molimo ha o mamelle nyee tse joalo. Tseo ke dikoahela-mahlo mona matsatsing a ho qetela.

⁹⁴ Khutlelang morao Lentsoeng, "Ikaroleng linthong tseo tsohle tse khopo, le se ke la ama ntho ea tsona. Ke tla le amohela."

⁹⁵ Evangeli, re hloka ho E tsoara re sa roala matsohong! E seng ka liatlana tsa bokereke, ho pholla motho mokokotlong, hoo ho tlatsa sehlahla ka mahe a bolileng hape, ho hloma motho monna oa setereke, kapa mopresbeteri, mobishopo, kapa ntho e 'ngoe esele. Hoo ho etsa e . . . Le ka ba le tumelo joang athe lea hlompha,

e mong o hlompha e mong? Re sheba ho Molimo, 'me Eena feela! Tlotla e tsoa ho Molimo. Ke Eena. Re Mo hlompha ka ho tsoara Lentsoe la Hae joaloka lebone, le ho tsamaea joaloka monna kapa mosali ka pel'a Molimo. Ehlile. Karohano e felletseng!

Genese 13, Lota o ile a khutlela morao. Hopolang. Ba fumane lethoana . . .

⁹⁶ Ka mora hoba ba ikarole, le ho tšela noka le ho kena naheng, Molimo oa re, “Abrahama, Ke tla u nea lona lohle joale, empa ha u eso 'Mamele ka botlalo.”

⁹⁷ 'Me ntho ea pele le a tseba, ha hlaha moferefere oa balisa, le har'a boramakhomo ba bona, 'me Genese 13 (ho etsahetse'ng?), balisa ba Lota le balisa ba—ba Abrahama. Shebang Abrahama, ketso ea boena, o itse, “Ho se hlahe likhang pakeng tsa rona. Re baena.” Lota o ne a bapisa kereke e fofo. 'Me o itse, “Sheba koana, u ka ikhethela. Sohle seo u se batlang, u tsoele pele ho e nka. Ha u leba bochabela, ke tla ea bophirima, joalo-joalo. Kapa, u leba bophirima, ke tla leba bochabela. Ha u ea leboea, ke tla leba boroa, le joalo-joalo. U ka ikhethela.” 'Me Lota a se a kile a fihla tlase Egepet'a 'me a hloaile botumonyana, a noketse cheletana khetsaneng ea hae.

⁹⁸ Ke hona moo kereke e entseng phoso ea eona. Ke bua sena ka hlomphe, baena. Kereke ea Pentekosta e ka be e le betere ka moropana, kante mono koug, ka banna le basali ba mehla ea khale, ka kolobetso ea Moea o Halalelang, ho feta kahara litempelehali tsena le dimoshara tseo ba phelang ho tsona kajeno tlas'a bosaoana bona bohle le linyee. Ke hantle. Ba batla ho itsoara joaloka ba bang bohle. Ke hona moo re e fumaneng teng. Hobaneng le sa ka la lula kamoo le le kateng, kamoo Molimo a le qalileng kateng? Eona ntho eo le ngangisaneng ka eona, 'me le ile la reteleha le etsa eona ntho eo.

⁹⁹ Lota o sebelitse joalo, a theohela Egepet'a 'me, ntho ea pele le a tseba, a lebisela mahlo a nqa Egepet'a. 'Me eaba o sheba koo 'me a bona Sodoma, majabajaba, ho iketla. 'Me a ea bochabela nqa . . . Hopolang, o ile bochabela sebakeng sa ho ea bophirima le Abrahama. O ile bochabela hobane e ne e le tsela ea boiketlo. A tsoela nqa bochabela.

¹⁰⁰ Kereke e entse joalo kajeno, le a bona, ba khutletse morao. Joaloka ha ke boletse maobane bosiu, letsatsi le chaba Bochabela 'me le ea bophirima. 'Me Mora Molimo o etetse Bochabela pele, le ho ea bophirima. Ba e rothofalitse, ka lilemo tse likete tse peli. “Empa Leseli le tla chaba nakong ea mantsiboea,” moporofeta enoa o boletse. Sebakeng sa ho latela Mora, ba khutlela moo Mora a neng a le teng. Kajeno ha u ka bua taba ka pholiso ea Khalalelo, ka boporofeta, ka lineo tse robong tsa moea, kapa ho hong; “Ha re khutlelang morao re bone seo Moody a se buileng, seo Sankey a se buileng, seo Knox a se buileng, seo Calvin a se

buileng.” Ba phetse letsatsing leo Mora a neng a chabile mono; re a tloha re ea phethehong! Amen!

¹⁰¹ Rasaense oa Mofora o boletse, lilemong tse ka bang makholo a mararo tse fetileng, o e pakile ka ho phikolosa bolo fatše, a re, “Ha motho a ka tsamaea lebelo le tšabehang la limaele tse mashome a mararo ka hora, matla a khoheli a ne a tla ba tlosa lefatšeng.” Ho e paka ka mahlale. Le nahana hore mahlale a kile a lebisa nthong eo? Che, monghali! Ba li tsamaisa ka limaele tse ka bang likete tse peli ka hora, ba ntse ba leka ho ba isa hojana. Ha ba hetle morao mono.

¹⁰² Empa bareri, “Re tla hetla morao re bone seo Moody a se buileng, seo Sankey a se buileng.” Ke moo Mora a kileng a *teng*. Ke ena moo E leng teng kajeno! E Lebopong la Bophirima, nakong ea mantsiboea, allelua, ho chabisa Maseli a mantsiboea! Ha se ho khutlela morao tokafatsong ea Luthere kapa khalaletsong ea Wesley; empa re letsatsing la ho qetela, amen, mohla Maseli a mantsiboea a chabileng, mohla re leng nakong ea ho qetela. Ho sala Mora morao.

¹⁰³ Empa Lota a khutla hobane ho ne ho le bonolo, boiketlo. Shebang Mof. Lota mohla a fihlileng morao mono. Khele, e tlameha ebe e bile mofumahali oa lisosaiti motse. Lota ea e-ba ramotse. Oh, moena, ba ne ba e finyeletse, khele, ke batla ho rialo!

¹⁰⁴ Batho ba nkile Mof. Lota joalo kajeno. Shebang boitšoaro ba batho ba rona kajeno. Shebang batho ba rona likerekeng, shebang feela. Shebang basali ba rona, ba shebeng kajeno.

¹⁰⁵ Ke—ke ne ke le Hollywood le leng. . . kapa Los Angeles, nakoana e tsoa feta, Ke emetse Moena Arganbright ho nyoloha. 'Me mono ho eme ngoanana, a nyolohela mono. Ka talima, 'me ka thekesela. Ka mo sheba. Ka nahana, “Na ke momishinari. Ke bone lefu la seoa, ke bone lepera, empa ha ke eso bone ntho e kang eo.” A le mokuto o mong ona oa hloohometsi, ena, le a tseba, le a tseba, seo le se bitsang, ekare hloohometsi, le a tseba, e—e Mofumahali oa Pele, yaa, joaloka Zezebele, joalo. 'Me a le boputsoa le botala; 'me e ka ba mosali ea bohehang; empa nyee tseo tsohle holima hae, a tšoana le Lehotenoto la Moafrika. Ka nyoloha, ke tla rapella mosali eo. Ka nahana, “Mofumahali, ha u sa tsotelle, ke rapella bakuli. Ha ke eso bone ntho e kang eo. Mpolelle hore na ke eng.” 'Me eaba mosali e mong o qala a qoqa le eena, 'me le eena a le joalo. Oh, khili!

Oh, le re, “Eo e ne e le Moprebeteriene.” Mopentekosta! Ehlile.

¹⁰⁶ 'Me Bibe e boletse, “Ke ntho e lihlong ha mosali a kuta moriri oa hae.” Ha a e etsa, o hlompholla hlooho ea hae. O hlompholla lengeloi, lengeloi la Leseli. Mangeloi a Kereke a Supileng, a tlišang Leseli a tla lula le Lentsoe. Tlotlollo! O lokela ho ba le moriri hloohong. Khele, lilo tse joalo! 'Me e kile ea eba

phoso ho bona ho e etsa. Ho—ho Pentekosta ea pele, ho ne ho fosahetse. Ho etsahetse eng? Le mathile hantle, ho etsahetseng?

107 'Me basali ba rona ba bang ba Pentekosta ba apara mese e tsoanang le letlalo holima soseje, kantle mona kae-kae ho leka . . . Ke hantle! Ha ke etse motlae. Sena ha se sebaka sa ho soasoa. Sena ke sefala.

108 Mosali o mpoletse bosiu bo bong. Ka ba bolella kamoo ba neng ba apara kateng. Ho re, a re, "Ha ke apare dishoto. Ke—ke—ke apara lileke."

109 Ka re, "Ho hobe le ho feta. Molimo o itse, 'Mosali ea aparang seaparo sa monna, ke manyala mahlong a Molimo.'" Ho lokile!

110 'Me e re ke u joetse, mofumahali, uena, mosali e mocha, ea ikapesang kantle mono, u tla ikarabela ka bofebe ka letsatsi la kahlolo.

U re, "Ke hloekile joaloka khahla."

111 Yaa, empa Jesu o itse, "Ea shebang mosali ho mo lakatsa, o se a mo febile pelong ea hae." Ha u a tlameha ho etsa ketso. "Ea halefelang ngoanabo ho se lebaka, o se a bolaile." Le a bona, ntho feela eo u tlamehang ho e etsa. 'Me ekare ha moetsalibe eo a u sheba kamoo u apereng, ka mokhoa oa hau, u honyetse morao, le ho tomoloha, le ho honyela kahare, le ho apara liaparo tsa mofuta oo, le ho tsoa. Joale mamela, ha se metlae! Ena ke Evangelii! 'Me u tloha joalo, 'me moetsalibe e mong a u sheba ho u lakatsa. Ka letsatsi la kahlolo, mohla a arabelang bofebe, e bakiloe ke mang? U entse joalo. U tla e arabella hobane u ile oa ipepesa joalo.

112 Hobaneng, u re, "Ha—ha ba etse mofuta o mong oa liaparo." Ba etsa machini a rokgang, 'me ba ntse ba rekisa masela. Ha se boitatolo ho hang! Ke kahobane u tlohile Lentsoeng! Taba eo ha e a tuma. E thata.

113 Moreri e mong ea tummeng o tlile letsatsi le leng, 'me a mpea matsoho, ho re, "Ke tla u bea matsoho 'me ke leleke bobē."

Ka re, "Eng?"

114 "Ka ho bua joalo ka basali bao." A re, "Batho ba u lemoha u o le moporofeta."

'Me a re, ka re, "Ha ke moporofeta oa letho."

115 A re, "Ba u nka joalo, Moena Branham." 'Me a re, "U loketse hoba u be u ruta batho bao, basali bao, mokhoa oa ho fumana mahlohonolo a maholo a moea. Le ho 'na u ba bolella ka ho kuta moriri oa bona le lintho tse joalo. Ba ke ke ba mamela seo."

Ka re, "Ke a e tseba."

Ho re, "Hobaneng u sa ba rute lintho tse kholoanyane?"

116 Ka re, "Nka rera joang, ho ba ruta algebra athe ha ba tsebe le li-ABC tsa bona, le boitlhompho ba tloaelo ha bo eo?"

117 'Me lona banna le tla lumella basali ba lona ho itšoara joalo, ke u hlompha hanyenyane joaloka monna oa Mokreste, Peo ea Abrahamama. Amen! Nka mpa ka e tlohela, ke tla etsa hore le eme bohle 'me le ee hae. Ho lokile. Ka le leng la matsatsi ana u tla hloleha ho fumana ntho e 'ngoe holimo Mane.

118 U re, "Ha e etse phapang ea letho." E entse ho Pauluse. E entse ho Molimo, tšimong ea Edene. Bibeletse e boletse mosali a loketse ho ba le moriri o molelele! 'Me kantle ho eona, u hokae? Che, u re, "Ha e etse phapang ea letho." Bibeletse e itse e a e etsa! U se lumelle liabolosi ho e behela mabaka, le ho u bolella, "Ke sejoale-joale, se lokile." Ha e a loka! U itse, "Ha ke a e tseba pele." U a e tseba joale. Le a bona? E batlisisise 'me u fumane haeba e lokile. Ke tla e tlohela, le a bona. Ho lokile.

119 Genese 13, sejoale-joale, uh-huh; ho khutlela moo Mora a neng a le teng, e seng moo Mora a leng teng; moo Mora a neng a le teng, leha ho le joalo. Mosali, ha ke nahana, mosali oa Lota, kamoo a ileng a kena sechabeng!

120 Re sebelitse joalo sechabeng. Re fihlela lintho li le joalo kahara Mapentekosta. Re fetoha, re hloma mokhatlonyana ka *mona*, le nthoana khahlano, e 'ngoe khahlano le e 'ngoe, le khahlano le *sena*, 'me ba etsa. . . Le kentse eng feela. Ke hantle feela.

121 Samuele o itseng mohla Baiseraele ba batlang ho—batlang ho hloma morena, ba batla Saule e be morena? Samuele a tla ho bona, a re, "Na nkile ka le qela chelete ho iphelisa? Na nkile ka le bolella letho ka Lebitso la Morena haese se etsahetseng?"

122 Oh, ba re, "Ehlile, u moporofeta oa Molimo. U re boletsetse 'Nete, 'me seo u se boletseng se etsahetse, empa re batla morena, leha ho le joalo."

123 'Me nako efe ha u qala u lahlela marapo, le ho lumella *sena* le *sane*, le ntho e 'ngoe le e 'ngoe e kene ka mokhoa oo, u khema le sejoale. 'Me kereke e itšoanela le tse ling tsohle kajeno. Seo re se hlokang ke tlhoekiso ea ntlu ea Pentekosta! Ke hantle feela. Amen. Ke lihlong ha Mobaptise a tlameha ho le bolella hoo, ha ho joalo? Empa ke 'Nete. Ho lokile! Ke lumela Bibeletse, ke lumela Lentsoe la Molimo le nepahetse. Ho lokile.

124 Abrahamama, eaba Abrahamama o nka. . .temaneng ea 14 ea khaolo ea 13, hoba Lota a ikarole, 'me Abrahamama a mamela Molimo ka botlalo, eaba Molimo o tla ho eena. Joale O itokiselitse ho mo hlohonolofatsa.

125 'Me ho fihlela kereke ea Pentekosta e suthela hole le litumeloana tsohle tsa eona le litšomo, 'me ba itšoere joaloka lefatše 'me ba shebahala joaloka lefatše, 'me ba bua joaloka lefatše, le ho lula hae ka Laboraro bosiu ho shebella *Re Rata Susie* sebakeng sa ho tla kopanong ea thapelo, le lintho tse kang tseo, ho lefa karolo ea leshome ho moreri e mong kantle mona lenaneong la seea-le-moea ho soma eona ntho eo u e emelang, ho

lokile, le linyee tse na tsa mefuta ena eohle tse ntšeletsoang ka lebitso la pentekosta, ke lihlolong!

126 Ke buella Borakhoebobona ba Bakreste, machabeng. Bongata ba bona bo lutse mona joale. Mona bosiu bo bong, mona e ka ba selemo e etsahetse, e hlahile, ke ne ke le Jamaica. 'Me ba ne ba memme likhalala tsohle tsa lihlekehleke bosiu bo le bong, 'me banna bana ba ntse ba ema, ka bopaki, "Khanya ho Molimo! Ke ne ke le rakhoebonyana tlase koug. Alleluia, ke na le di-Cadillac tse 'ne joale. Khanya ho Molimo!"

127 'Me ka khutlela holimo mono Flamingo Motel bosiu boo, ka ema mono, ka re, "Le hlabisa lihlolong!" Ka re, "Lona banna mona ba emelang Krete, le leka ho bolella rakhoebobona hore le ruile hakae, o ruile tse fetang tseo nang le tsona kapata tseo o u ka bang le tsona." Hoo ho fapane haholo le mapentekosta a pele. Pentekosta ea pele e rekisitse ling tsa bona, 'me ea aroleloa mafutsana, 'me ea tloha ea bolella Evangeli. Ho lokile!

128 Sebiniyana sa Moswedishi se tsoang Chicago, nke ke ka 'mitsa ka lebitso. Ke ngoan'eso ea ratehang. O ile a ema, ho re, "Moena Branham, leha koana u . . . Re a lumela u moporofeta, empa ke tla u bolella hona joale, 'U fositse.'"

Ka re, "Mpolelle kae, moena."

129 A re, "Be, batho bao ba rekisitse ling tsa bona, ba li bea maotong a baapostola, ba li aba." A re, "Ketso e mpe-mpe eo ba kileng ba e etsa."

130 Ka re, "U batla ho mpoella hore Moea o Halalelang o sebetse ka phoso?"

'Me a re, "E ne e fosahetse. Ke tla u tiisetse eona."

Ka re, "Hobaneng?"

131 Ho re, "Joale mehleng ea hloriso, ba ne ba se na moo ba ka eang teng. Ba lelera, hohle."

132 "Hantle feela thatong ea Molimo, ho rera Evangeli hohle moo ba neng ba ea teng. Ba se na moo ba ka khutlelang teng." Molimo ha o etse liphoso tsa letho. Ho lokile! Oh, ke phapang e kakang; pentekosta ea mehleng, le Pentekosta e leng teng. Yaa, ke eo.

133 Hoba Abrahamama a ikarole ho Lota, hantle feela seo Molimo a mo laetseng ho se etsa. "Arohana le sebe se seng le se seng se re tsoasang habobebe, ntša tsohle!" Ke moo, Molimo a re, "Abrahamama, joale u mojalefa oa lintho tsohle. Sheba bochabela, sheba bophirimela, sheba leboea, sheba boroa, haola le naha eohle, ke ea hau eohle!" Amen.

134 U arohana le ntho ea hau, uena ho tloha sebeng, ho se lumele. Sebe se seng feela, 'me sona ke ho se lumele. Ho feba hase sebe, ho noa joala hase sebe, ho bua leshano hase sebe; tseo ke litholoana tsa ho se lumele. Holane u lumela, u ne u sa tlo etsa lintho tseo. Ruri. Jesu o boletse ho Santa Johanne 5:24, "Ea utloang

Mantsoe a Ka 'me a lumela ho Ea Nthomileng, o na le Bophelo Bosafeleng," Zoe eo, Moea o Halalelang, hoba a lumetse. Ka nepo. Joale, ho fihlela u amohela Hoo, u moipehi-tumelo, kahara sehlopha seo. Empa mohla ba hlileng ba lumela, ho ikarola, ha le ikarola ho se lumeleng ha lona hohle, le ho lumela Molimo, ho tsamaea ka thata, u jere Melao, ho etsa tsohle tse lokileng, ke moo Molimo o tlang ho re, "Tšepiso e 'ngoe le e 'ngoe e Bukeng ke ea hau." Amen. "Tsohle ke tsa hau! Ho tloha ho Eona, ho tloha Genese ho isa Tšenolo, ke ea hau eohle!" Amen. "Ekareha le lula ho 'Na le Lentsoe la Ka ho lona, le ka kopa seo le se batlang, se tla etsoa." Eng? U tlameha ho ikarola, pele, ho se lumeleng ha hau.

U re, "Moena Branham, u e atametsa haufi haholo."

¹³⁵ Jesu o itse, "Matsatsing a Nohe ho pholohile ba robeli. Joalokaha ho bile mehleng ea Nohe, le ho tlang ha Mora motho ho tla ba joalo."

¹³⁶ "Ke ba bakae bao, Moena Branham?" Ekaba likete tse robeli, ekaba limilione tse robeli, ha ke tsebe ke'ng. Empa e tla ba ka palo e fokolang. A le mong ho ba likete tse lekholo, kapa ntho e kang eo, nka rialo. Ho lokile.

¹³⁷ Tumelo ea mohopolo, tumelo ea kelello, kantle ho boiphihlelo ba tsoalo ea bobeli, maikutlo, tumeloana ea bokereke! Haeba Moea o Halalelang oa 'nete o le teng ka mono, E tla omela Lentsoe leo; 'me Lentsoe leo le tla phela hantle feela joalokaha Le boletse Le tla etsa, hoba ke Moea o le mong o Le buileng, o Le bua ka uena. Le tlameha ho phela. Ruri, ho joalo. Hase lona ba buang, empa ke Ntate ea ahileng ka ho lona, ke Eena Ea buang. Ho lokile.

Abrahama, mojalefa oa lintho tsohle.

¹³⁸ 'Na, mohla ke neng ke tlatsoa ka Moea o Halalelang joaloka lona batho, ke rata ho haola ke feta, 'me, joaloka moliko o moholo, tsohle mono ke tsa ka. Ke mojalefa oa karoloana efe ea eona. 'Me haeba ke le mojalefa oa moliko, ke—ke batla ho tseba seo ke se ruileng. Ha ke e-ba Mokreste, ke ne ke batla ho tseba seo ke se ruileng. Kahoo haeba ke ruile moliko, ke ne ke tla haola, 'me ke hule drowara ke bone se leng kahare ka mona, le ho sheba *mona* le ho bona se kahare ka mono; ka linako tse ling eka se batla se le holingoana, Ke iphumanela lere ke a e hloa. Ke ne ke tla fumana seo e neng e le sona. Haeba ke batla ke sa e finyelle e le hole ka mona, ke ne ke tla khumama ka mangole a ka ke qalelle ho rapela ho fihlela ke phahamela ho eona. Ke ea ka! Molimo o e tšepisitse. Pholiso e Mokhethoa, Matla a Molimo, mehlolo ena eohle le meeka le lipontšo, O e tšepisitse.

¹³⁹ Ho re, "Moena Branham, lintho tsee li sebetsa joang?" Ka tšepiso ea Molimo. Amen.

¹⁴⁰ Peō ea Abrahama! Khanya! Ke ikutloa ke thabile. Nka shebahala ke hlanya 'me ke itsoere bohlanga, empa nteseng feela.

Ke ikutloa hamolengoana ka tsela ena ho feta kamoo nkileng ka ikutloa ka tsela e 'ngoe. Le a bona?

141 Khaolo ea 14, re ea ho Abrahamama, joale re fumana ho khaolo ea 14 se etsahetseng. Likhosi li theoha li tsoa libakeng tse fapaneng tsa naha, 'me tsa hlaba selekane le likhosi tsa Sodoma, le ho kena le ho hapa Sodoma, ho hapella Lota; ngoan'abo Abrahamama Moreneng, ho mo ntša, moena oa hae ea fofo oa phutheho ea bolumeli, le ho tloha ba mo nkella. Joale, hopolang, Molimo o ne a sa tsoa bolella Abrahamama ha thoe tsohle tse naheng e ne e le ea hae.

142 “'Me ba bonolo ba tla ja lefa la lefatše.” Le re re a hlanya? Re tla rua lefatše, se leng holim'a lefatše! Ehlile, re majalefa a lona.

143 Shebang Satane, o itse ho Jesu, “Ha U ka itihela fatše oa nkhumamela, ke tla U nea lefatše lena.” Mebuso eohle e laoloa ke liabolosi, o mong le o mong oa eona. Jesu o boletse joalo. Bibehe e a e bua. Sechaba se seng le se seng le 'muso o mong le o mong o laoloa ke liabolosi. 'Me Satane a re, “Ke li ruile. Ke tsa ka. Ke tla neha tsona ha U ka nkhumamela.”

144 Jesu o tsebile hore O bile Mojalefa oa eona Lilemong tse Sekete, ka hona A re, “Tloha ho 'Na, Satane.” O tsebile hore E ne e le Mojalefa oa eona.

145 'Me kajeno ba bua ka batho ba hlanyang ba khumamelang Morena le ho tsoaloa labobeli. Ba tšaba seo “ho tsoaloa labobeli.” Ba mpa ba sa rate mohopolo oo, 'me ba e anantse ka ho hong. E mong oa bona o anantse ho tsukutla letsoho; e mong, ho fafatsa hanyenyane ka metsi; e mong, a ntše leleme la hae 'me a je bohajana; e mong, a tantše hohle fatše. Ke Tsoalo! Joalokaha ke boletse bosiueng bo bong, “Tsoalo e bohlasoa, ha ke tsotelle moo e leng teng. Haeba e le ka lesakeng la likolobe kapa phaposing ea sepetlele, ke tsoalo, e a nyonyeha.” 'Me le Tsoalo e ncha e joalo, E a u harola, empa mahlekeng ao ho tsoa Bophelo bo bocha. Amen. Ee.

146 Abrahamama o tsebile hobane tsohle ke tsa hae, ka baka leo, eitseha Lota a kena, a re, “Joale ema motsotso.” Lota o ile a haptjoa ke matsoho a sehlōhō a sera. A re, “Ke ngoan'eso eo, 'me ke tla mo sala morao.” Joale hopolang, marena a supileng kapa a robeli mono a ne a phuthehile 'moho, 'me a theoha a hapa tsohle 'me a fiela a tsoa le eona. 'Me eitseha ba etsoa, Abrahamama a hlomela bahlanka ba hae a mo sala morao, ho khutlisa moena oa hae ea lahlehileng. Eo ke Mokreste oa sebele, a sala mor'abo ea lahlehileng morao! A etsa'ng ha a mo fumana? A hlabaka marena; 'me a khutla, a tlisa ngoanabo, kamora ntoa.

147 Bonang, mono ho tsoile Khosi e 'ngoe ea mo khahlanyetsa, ha a khutla, Melkisedeke. Melkisedeke, E ne e le eng? O ne a se na ntate, A se na 'mè. Ha A eso tsoaloe, ha A shoe le ka mohla. Ea se nang ntate, ea se nang 'mè, ea se nang qalo ea matsatsi kapa pheletso ea bophelo. (E ne e se Mora oa Molimo; hobane O ne a

ena le Ntate le 'mè, bobeli boo bo tsoetsoe 'me bo shoele, le ho tsoha hape.) Empa Monna enoa ha eso be le le ntate kapa 'mè, Ke Molimo! Ehlile, Ke Ntho e le 'ngoe feela e leng Bosafeleng.

¹⁴⁸ 'Me O kopane le Abrahama hoba ntoa e fele, ho e bontša Peo ea Abrahama; hoba re sale moena oa rona ea oeleng, 'me ntoa e felile. Melkisedeke o tekile eng? Veine le bohobe, selallo. Amen. Mohla ntoa e felileng, moena! Ho khutla, ho khutlisetsa ngoanabo ea lahlehileng hae hape, ho mo busetsa. 'Me mohla ntoa e neng e felile, Melkisedeke o kopane le eena 'me a mo fa selallo. Jesu o itse, "Ha Ke sa tla ja kapa ho noa se beoang ke tholoana ea morara ho fihlela Ke se ja le lona ka bocha 'Musong oa Ntate oa Ka." E, monghali. Joale ntoa e ne e felile, Abrahama o ne a khutlile, khaolong ea 14; 'me Mohloli a mo khahlanyetsa, mohla a neng a kena le Mohloli.

¹⁴⁹ Genese 15 joale, pele re koala, hoba ke nako ea ho koala joale. Mamelang ntho e 'ngoe hape pele re tloha.

¹⁵⁰ 'Me ke tla tlameha ho nka sena hosane bosiu hape, hoba ha ke eso fihle tabeng ea ka, Ke sa tla fihla sebakeng sa ka, ho *Jehova-Jire*. Ke batla ho e theolela tlase mono, ha Morena a ratile.

¹⁵¹ Joale khaolong ea 15, ke fihlile mona moo selekane se tiisitsoeng ho Abrahama, netefatso ea selekane. Ka mantsoe a mang, ke mohla Molimo o neng o hlapanya, 'me mohla Molimo o neng o etsa tšepiso 'me oa tiisa tšepiso ho Abrahama. Khaolong ea 15, re a fumana, tiiso ea kano eo Molimo o e boletseng.

¹⁵² Abrahama a re ho Molimo, "Mojalefa oa ntlu ea ka e ntse e le Eliezere enoa oa Damaseka."

¹⁵³ 'Me A re ho eena, "Empa eo ha se mojalefa oa hau, hobane ea tsoang maleng a hau ke mojalefa oa hau." 'Me Oa mo tšepisa.

Ho re, "Ke tla tseba see joang?"

¹⁵⁴ Oh, joale, baena, ntho e tla le phaphamisa ke ena! Mo hlokomeleng. A re, "Tloha, u Nkhethole pōli e tšehali ea lemo tse tharo, le sethole, sa lemo tse tharo, le pheleu ea lemo tse tharo." Eaba Abrahama o a li nka, le leebakhoroana a mabeli. . . leebakhoroana le leeba.

¹⁵⁵ Joale, leebakhoroana le leeba li a bapisoa; liphoofolo tsena tse lemo li tharo, 'me li ne li le tharo. Joale O tliilo etsa selekane, ho tiisa selekane. Joale mamelang hantle, le se ke la e fosa. 'Me re tla e thonaka hosane bosiu ha A kopana le eena mona hape, ha Morena a ratile. Shebang.

¹⁵⁶ Joale O itse, "Nkhethole e—e sethole sa lilemo tse tharo, le poli e tšehali ea lilemo tse tharo, le pheleu e lilemo tse tharo, le leeba, le leebakhoroana."

¹⁵⁷ Eaba Abrahama o a tloha a nka liphoofolo, a li khekhetha, a li rapalatsa, mokhekhetho mabapa le mokhekhetho; empa leebana-khoroana le leeba, ha a ka a khethetha leeba-khoroana le leeba. Leeba-khoroana le leeba ke lelapa le le leng. Ka hona

hoo ho bapisitse pholiso ea Khalalelo, etsoe lilekaneng tseo ka bobeli li tlile ka tumelo, le a bona, baa folisoa; se seng ho ea ho se seng, se seng. Efela ha selekane sa khale se ne se ena le pholiso ea Khalalelo, Sena se e tšoere hakakang! Le a bona, efela ha sehlabelo sa khale se ne se ena le pholiso, ho ka thoeng ka Sena se fetisang ka molemo! Le a bona?

¹⁵⁸ Joale, empa hlokomelang seo a se entseng mona. O nkile liphoofole tse na tse tharo a li kheketha, 'me a li rapalatsa, sekoto mabapa le sekoto. 'Me eaba Abrahamana o a khutla. Joale, seo e ne e le sehlabelo. 'Me a sheba ho fihlela letsatsi le likela. 'Me linonyana tsa theoha sebakeng, holima sehlabelo sa Abrahamana, manong. 'Me Abrahamana a leleka, a tebela.

¹⁵⁹ Ke papiso ea eng ena? Peo ea Abrahamana letsatsing la qetelo, e leleka matemona Sehlabelong, ho a leleka Sehlabelong. Molimo o e tšepisitse, Sehlabelo, Krete, eena maobane, kajeno, kamehla, 'me meea eo eohle e sa lumeleng e ntse e leka ho Se harola. Monna oa Molimo, Peo ea Abrahamana, e eme mono e ntse e leleka matemona, hole le Sona! Ho tiisa selekane joale, thasisetso, ho bontša hore Peo ea Abrahamana ka har'a . . . Ke bolela Peo e tšepelang ea borena. Hopolang, peo ea tlhahle e hlolehile, hoba e amohetse molao litulong tsa Lentsoe la mohau. 'Me ho joalo le lebakeng lena la "phenyo," ho Balichaba letsatsing la ho qetela. Empa Peo ke eo, Peo ea borena ka Lentsoe, e emang e tiile, e leleka matemona, e etsa mehlolo e meholo le meeka, ho tlosa ho se lumele hohle Lentsoeng, ho boloka Sehlabelo se hloekile, ho boloka Lentsoe le halalela, ho Le boloka le hlomphuo; ho se sunye letho ho Lona, ho eketsa letho ho Lona; ho e thibela feela, ho e lebela, ho se lumelle letho ho Le ama.

¹⁶⁰ Joale hlokomelang, eaba ho fihla boroko bo boholo holim'a Abrahamana, lefu. 'Me kamora boroko bo boholo, o bone sebopi sa mollo, e leng lihele, se kubellang, tseo moetsalibe e mong le e mong a lokelang ho ea ho tsona. Empa kapele ka mono ha hlaha Leseli le lesoeu le lenyenyane. Shebang Leseli le lesoeu leo le lenyenyane, la haola lipakeng 'me la arola mahlabele ana, la kena lipakeng tsa sona, Molimo o a thasisetsa seo O tlang ho se etsa ka Peo ea Abrahamana.

¹⁶¹ Joale, kamehla Bajuda ba lumetse Molimo o le Mong. 'Me Molimo o Mong. Empa O ne a bontša mona, ka mahlabele ana a hloekileng a mararo, hore boraro-bo-bong ba Molimo bo tla bapisoa ho a le Mong Bomolimong ka 'mele.

¹⁶² Joale hlokomelang khaleng—mehleng ea khale, mehleng ea bochabela, enereha selekane se etsoa, ba ne ba se etsoa ka tsela ena. Joaloka, ha re fihla 'me ra bolaea phoofole, ra arola phoofole ka lehare, 'me ra ema pakeng tsa phoofole, 'me teng ra ngola selekane. Hona joale Chaena . . .

¹⁶³ Kamoo Japane, ha ba etsa selekane, ba tsipa bohahana ba letsoai 'me ba eme ba etse tšepiso ea bona, 'me ba hasana

ka letsoai. Ho joalo Japane, ha ba hlaba selekane, ba hasana ka letsoai. Letsoai ke monatefisi, le a bona. 'Me ba tšelana ka letsoai, seo ke e—seo ke e—selekane.

¹⁶⁴ Joale Amerika, kamoo re etsang selekane, re a tsoa 'me re a ja, 'me re tsukutlana ka matsoho, “Mphe letsoho la hau, moshanyana. Na ho lumellano?” “Ho lumellano!” Seo ke selekane.

¹⁶⁵ Empa mehleng ea khale, mehleng ea Abrahamama, kamoo ba neng ba etsa selekane e ne e le ka ho hlaba sehlabelo, le ho ema lipakeng tsa sehlabelo sena; 'me eaba, ha ba etsa joalo, ba ngola selekane holim'a letlaloana la konyana, ba ntoo le tabola. [Moena Branham o tabola sekhechana sa pampiri ho bapisa—Mohl.] E mong a nka sekoto se seng, le e mong o nka se seng. Joale mohla selekane sena se ne se tiisoa 'me se teanngoa 'moho, ho ne ho se motho ea ka se qopitsang. Le a bona, se loketse ho teanngoa, tlhaku ka tlhaku, hantle feela kamoo se neng se le kateng. Hoo ho bontša mong'a sekotoana sena oa makhontho o na le seabo, sena ke selekane se tšoanang, li tlameha ho kopana le ho teana hantle feela ka ho tšoana.

¹⁶⁶ 'Me Molimo o ne a bontša Abrahamama mono, hore ka Peo ea hae, hore Molimo ka Sebele o tla fetoha nama 'me a ntoo lokela ho khekhethoa Kalvari; moo Kreste, e leng Molimo lefatšeng, A ileng a khekhethoa teng. Molimo a Mo hahola, Peo ea borena ea Abrahamama, le ho ntša Bophelo ho Eena; le ho nyolla 'Mele, ho lula Teroneng ea Hae Leholimong; le ho romela Moea oa Hae holim'a Kereke, hore Kereke e lokela ho ba le 'ona—'ona Moea o neng o le ka ho Kreste ho se teanya 'moho, ho etsa Kreste eena maobane, kajeno, le kamehla! Thasisetso ea selekane, Molimo o tiisa selekane. Molimo o a arola, ho hahola Bophelo ho Kreste, Mora oa Hae, ho nka Moea ho Eena; joalokaha A ne a khekhetha liphoofole tsenahabeli, ho ema lipakeng tsa liphoofole. Leseli, Molimo ka Sebele, oa kena lipakeng tsa tsona, ho bontša hore O arotse 'Mele: Peo, Peo ea borena; le ho nka Moea le ho O romela hape holim'a Kereke. 'Me Kereke ea kajeno e eang ho kopana le Kreste, e tla lokela ho rua 'ona Moea oo A neng a o ruile, hoba e tlameha ho ba Letere ka Letere, Lentsoe ka Lentsoe. 'Me Eena ke Lentsoe! Jesu o itse, “Ea” (lereo la motho) “lumelang ho 'Na, mesebetsi eo Ke e etsang o tla e etsa le eena.” Ho thasisetsa selekane, Bophelo bo leng ka ho Kreste bo tla ba ka hara Kereke, Peo ea borena ea Abrahamama.

¹⁶⁷ Motsotsoana, baena, holim'a Pentekosta. Mohla ba neng ba le phaposing e ka holimo. . . Holane la fihla mono 'me la bona moralo oa 'nete, kamoo o neng o raloe kateng, ba potela ka setepisi kantle le ho nyolohela phaposing e kaholimo. Ba ne ba hotetsa likandelare tsa oli ea mohloaare. Ba hlotse holimo mono matsatsi a leshome le masiu, menyako eohle e koetsoe. “'Me hang ha utloahala molomo o tsoang Leholimong o kang moea o fokang ka sefelo, ntlu eohle eo ba lutseng ho eona ea tla Oona.

Maleme a arohaneng a kang mollo, maleme a malakabe a mollo, a lula holima e mong le e mong oa bona. Bohle ba tlala Moea o Halalelang, ba mathela kante lebaleng, ba bua ka lipuo tse ling.”

168 Lemohang, malakabe ana a Mollo e ne e le eng? E ne e le Topallo ea Mollo, Moea o Halalelang, Molimo, Lengeloi le ba tsamaisitseng lefeelleng, Le ileng la bonahatsoa ka pel'a bona. Molimo o ne o Ikarotse le ho Ikhetha hara batho, Moea o Halalelang, 'me 'moho re Kereke ea Molimo o phelang. Selekane! “Abrahama le Peo ea hae ka mora hae, Peo ea borena.” Bona Bophelo bo neng bo ahile ka ho Kreste, ka Kerekeng, bo etsa eona mesebetsi eo Kreste a e entseng. Amen. Ke ntho e babatsehlang hakakang, metsoalle!

169 Ke nako feela, ke tlameha ho koala sena feela. E, ke tla siioa ke nako haholo. Ke tla . . . Na ho ka loka ha nka e thonaka hona mona hosane bosiu? Ke batla ho fihla ho *Jehova-Jire* hampe haholo. Empa ke batla hore le bone seo e leng sona, hore taba ea ho ipolela u le Mokreste, baena, ke nako ea kereke ho fumana . . . Haeba Molimo o entse litšepiso tsena, ke tsa 'nete. Li tlameha ho phethahala.

170 Ha re inamiseng lihloho tsa rona motsotso feela. Taba ena e khohlahetse e thata. E a hlaba. Ha ke rate ho etsa joalo. Moreri o mpoletse, a re, “Moena Branham, hobaneng *hore-le-hore*, u etsa seo?”

171 Ka re, “Ha ke na mananeo a thelebishene a tšehetsoa, seea-le-moea. Ke tsamaea tjena, moo nka eang teng.” Ka re, “Ke mang ea tla ba bolella? Kolu e tlameha e be teng kae-kae e e buang.”

172 Joale Molimo o teng mona, metsoalle. 'Me haeba u ipitsitse Peo ea Abrahama, le ho nahana u . . . Joale u se . . . Mamelang, ke soule ea hau, metsoalle. Ke soule ea hau. U se ke oa nka monyetla ka eona, hoba bosiu bona e ka ba khetlo la ho qetela u fumana monyetla ho etsa. Ha u le lihlong ka bophelo ba hau, u ntse u ipitsa ngoana oa Molimo, le ho phela kamoo u phetseng; 'me u lumela hore Lentsoe la Molimo ke 'nete, 'me u fositse, ke batla u rapele nakoana feela, le ho kopa Molimo ho hlahlaba bophelo ba hau. Rapela feela.

173 Ntate ea Maholimong, bona e ka ba bosiu ba ho qetela ho bongata ba rona. Ha re nahana, masiu a 'maloa a fetileng mane Los Angeles, mono keha ho lutse mosalimoholo oa lilemo tse mashome a supileng, 'me a nyolohela aletareng 'me a nehela bophelo ba hae ho Kreste. Bosiu boo a shoela betheng. Mohau oa Molimo, horeng eo ea ho qetela. Kamora ho phela lilemo tseo tsohle a sa Mo tsebe, eaba o bitsoa horeng ea ho qetela. Mohau o makatsang.

174 Ntate Molimo, bua le lipelo mona bosiu bona. U tseba morero oa sena. U a tseba, Ntate, ke e—e ka khona ho fihle mohla ntho e tlamehang ho etsoa. Re—re bona maemo, le kamoo ho ntseng ho mpefala ka linako tsohle. 'Me re a eelloa mongoaha

oa kereke ea Pentekosta, matsatsing a qetelo, ke Mongoaha oa Kereke ea Laodisea, ona feela oo Kreste a leng a ntšoa kerekeng, a eme, a kokota a leka ho khutlela ka hare. Oho Molimo, hauhela.

¹⁷⁵ 'Me joaleka ha ke omantse likhaitseli tsa rona bosiuung bona, Morena, ho ba tsebisa hore morao koana tšimolohong, mohla e neng e qala, e ne e le Eva. 'Me ke ena moo e leng teng hape. Evangeli e kene ka Lentsoe, le kamoo a entseng seo a se entseng ('me shebang kajeno) ka ho beha mabaka; shebang 'mae, seo a neng a se hopotse se fapanne, Bibeale eona eo.

¹⁷⁶ Molimo, baena ba rona, joalokaha ke ile ka tlameha ho bua le bona ka thata, Morena. Ke a boulela, ke—ke—ke a ba rata. U a tseba ke etsa joalo, Morena. Ke—ke—ke tsetetse lilemo tse mashome a mararo a motso o mong mona bakeng sa bona, 'me O thasiselitse Lentsoe la Hau, le tse ling tsohle. Morena, ha ke tsebe seo nka hlolang ke se etsa. Empa ha ke bona kereke eo ke e ratang, kereke ea Pentekosta, eona e kileng ea nkemela 'me ea ntšehetsa; Molimo, ke lerato la Bokreste le etsang hore U khaole bobee ho eona. Ke lerato le U etsisang hoo, Ntate. U a tseba ho joalo. 'Me ke ntse ke leka ho bolella batho, "Le se ke la leka ho tsoela mono, ho etsa lintho tsena." Ho—ho lihetsoe marapo, 'me re qhotsitse ka litumeloana tsa rona tse fapaneng le lintho tseo re li kentseng kerekeng, 'me re ntse re tloha matsatsing a mehlolo, ho tloha pholisong e Halalelang, ho sutha ho e—e tsela eo batho ba lokelang ho itšoara ka eona le ho apara.

¹⁷⁷ 'Me U ile oa hlaba selekane le Adama, le se seng le Eva; O ile oa beha selekane se fapaneng, le tse fapaneng ka botlalo, 'me oa bolela ho le phoso ha mosali a itšoara joaloka monna. E ne e tla ba botšehali. O loketse ho ba botšehali e seng botona. 'Me kajeno o leka ho ba botona; monna, botšehali.

¹⁷⁸ Morena, 'me—'me hona mona hantle matsatsing a ho qetela, hantle mona Lebopong la Bophirima, hantle mona qetellong ea tsoelopele, re fumana basali ba ineetse bobolu hantle joalokaha ba entse qalong. 'Me ke ena, e kene hara likhaitseli tsa rona. Oho Molimo, hoo ho roba pelo ea ka feela, Morena. 'Me ke a tseba haeba e nketsa (moetsalibe) hore ke ikutloe joalo, ebe Uena e u etsang, ho bona kamoo ntho eo e fetohang molimo oa mosali. Le bokhabane bona bo hlolang ba Hollywood ea sebe! 'Me esale ho le phoso ho bona ho ea lipontšong tsa litšoantšo, ebile liabolosi o e lahlela hantle ka tlung ea bona, le—le mananeo a mefuta eohle a sa sesefsoang, le mahlapa seterateng.

¹⁷⁹ 'Me, oho Molimo, ke e—ke nako ea bohlangya. Ke nako ea methapo. Ke e—ke mohla motho a ke keng a ema le ho mamela, le ho hlahloba. 'Me tlasa maikutlo, le joalo-joalo, ba sa ntse ba itlaleha e le Peo ea Abrahama. Molimo, kamoo U boletseng ho tla ba joalo, meea e tla bapa hakana matsatsing a qetelo, ka boiketsiso, ho ka thetsang le Bakhethoa, hola ke ntho e ka etsoang. 'Me ke ena moo e leng teng. Molimo, u se lumelle batho

bana, u se lumella motho ho etsa hoo. Ka kopo hle, Ntate. Ke a ba rapella, e mong le e mong. Ka Lebitso la Morena Jesu, aba seo.

¹⁸⁰ Joale e re re sa inamisitse lihloho tsa rona. Nka le etsetsa eng le eng. 'Me haeba ke khahlapetsa batho feela ka lonya, Molimo o ke ke a ba le 'na le ka mohla; Ha ke a lokeloa ke ho ba mona, ke loketse ho ba kantle koana ke ratha patsi kapa ntho e 'ngoe. Empa, metsoalle, hoo—hoo ke 'nete, se batlisiseng 'me le bone haeba e se Lengolo na. 'Me e loketse ho senoloa letsatsing lena la ho qetela.

¹⁸¹ Joale na le tšephele ka ho lekana? Na u hlile, tlase botebong ba lekhapetla leo le kantle, na ntho ea makhonthe ea 'nete e teng ka uena, hore u ikemiselitse ho lumela hore u fositse? Hlooho ka 'ngoe e sa ntse e inamisitsoe, pelo ka 'ngoe, le boinehelo bo tebileng bo mahlonoko, na u ka phahamisa letsoho la hau, ho re, “Nthapelle, Moena Branham. Ke fositse. Ka mohau oa Molimo ke tla otloloha?” Molimo a u hlohonolofatse, uena, uena, uena. Ke hantle, phahamisa letsoho la hau, O a le bona. Liotloana-moeeng, Molimo o a le bona. Phahamisa matsoho a hau. Na u—u. . . Ke eona.

¹⁸² Joale *mona* ho lutse ba bang ba lona basali ba moriri o mokgutšoane, 'me ha le a phahamisa letsoho. Bothata ke'ng ka uena? U phoso! U se ke oa leka ho kopana le Molimo joalo. U tla ahloloa ruri joaloka ha ke eme sefaleng sena. U bolela hore kereke ea Pentekosta e sebopehong se se kana hore e—e—e se tsoile matsoabali ho fihlela e soabela ho lumela hore e phoso? U se ke oa etsa seo. Molimo a u hauhele.

¹⁸³ Ke a lumela. Eba le tumelo. E re ke eme hape. Molimo a u hlohonolofatse mono, moratuo. Molimo a u hlohonolofatse, khaitsetsi. Ke botle. Phahamisa. . . Seo. . . Molimo a u hlohonolofatse. Ke hantle. U ka e amohela hona joale; hoseng e ka ba morao haholo, hora ho tloha joale e ka ba morao haholo. Molimo a u hlohonolofatse. Ke botšephehi boo. Molimo a u hlohonolofatse. E re, “Ke fositse.” Ho nka motho oa sebele ho amohela hore ba fositse. Ke ntho ea makhonthe eo. Molimo a u hlohonolofatse, mofumahali. Molimo a u hlohonolofatse, mofumahali. Molimo a u hlohonolofatse. Ke hantle. E, lula u rapela feela. Molimo a u hlohonolofatse. Haeba ke sa bone letsoho la hau, eena ha A siteo. O tseba mohopolo o mong le o mong o kelellong ea hau. Ke hantle feela. Molimo a u hlohonolofatse, ke bona letsoho la hau. Ke botle. Molimo a u hlohonolofatse, mofumahatsana. Molimo a u hlohonolofatse, khaitsetsi. Ke botle.

¹⁸⁴ Molimo a u hlohonolofatse mono, mofumahali e mocha. E, phetoho ea litsela tsa bophelo. Pele lintho tsena tsa khale li shoesa peloana ea hau bohatsu, retelehela ho Molimo joale, moratuo. Ke hantle, u e etse. Ke na le moralinyana mono e ka

ba thaka ea hau. Molimo a u hlohonolofatse, moratuo. Molimo a u hlohonolofatse. E, Molimo a u hlohonolofatse, khaitsetsi.

¹⁸⁵ Ho ka thoeng ka uena, moena? Ha u itšoabele, ho lesa mosali oa hau ho itšoara joalo le ho apara lishotso, le ho apara joalo 'me a kene seterateng. Ho ipitsa mora oa Molimo? Na ha u itšoabele? Molimo a u hlohonolofatse. Molimo a u hlohonolofatse, monghali. Molimo a u hlohonolofatse. Ke hantle, amohela hore u fositse. Yaa. Haeba u. . .

¹⁸⁶ “Ea patang sebe sa hae a ke ke a atleha; ea ipolelang sebe sa hae o tla utloeloa bohloko.” Molimo a u hlohonolofatse. Ba bang hape? Morao ka seotloana-moeeng, holimo mono seotloana-moeeng. O a u bona holimo mono. O tseba mohopolo o mong le o mong o pelong ea hau.

Joale phahamisang lihlooho tsa lona motsotso feela.

¹⁸⁷ Ke re bonnyane ho na le ba ka bang mashome a mahlano kapa mashome a tšeletseng ka phaposing ena ba phahamisitseng matsoho a bona, ba banyenyane le ba baholo. Ke a leboha. Eo ke mofumahali le mohlomphehi oa 'nete. Ke a le leboha. Ho na le—ho na le tšepo bakeng sa hau ha u ikemiselitse ho amohela ha u fositse.

¹⁸⁸ Pele ke memela aletare, ke tlil'o rapella lisakatuku tsena.

¹⁸⁹ Ntate ea Leholimong, lisakatuku tsena li emetse batho ba kulang, bomme le bontate ba letileng, bana. Khetlo le leng, re rutiloe ka Bibeleng, hore ba kile ba nka lisakatuku le liforesekoto tse amileng 'mele oa Santa Pauluse. Batho ba 'mone, ba tseba hobane Moea oa Molimo o holima hae. Pauluse a hopola hoba Elisha o boleletse mosali oa Shuneme, ea boleletseng Gehazi, “Nka lere lena u tlohe u le behe holima ngoana.” A tseba hoba seo a se amileng se hlohonolofalitsoe. Pauluse, ba nka lisakatuku le liforesekoto 'meleng oa hae, 'me meea e litšila ea tsoa ho batho, mafu a tloha. Joale, Morena, rona ha re Santa Pauluse, empa U sa le Molimo, 'ona Molimo oo.

¹⁹⁰ Ka tsatsi le leng Iseraele hantle leetong la eona tseleng ea kutlo, e ne e habile lefatšeng la pallo. 'Me ntho ea e khaola lefatšeng la pallo, Leoatle le Lefubelu. Mongoli e mong o itse, “Molimo oa sheba fatše ka Topallo eo ea Mollo, ka mahlo a bohale, 'me leoatle la tšoha, 'me la chechisa marako a lona 'me la bulela Iseraele tsela e omileng ho tšelela lefatšeng la pallo.”

¹⁹¹ Molimo, e tle re ha lisakatuku tsena li isoa ho ba kulang le ba mahlomoleng, Molimo oa Leholimo a shebe fatše ka Mali a Mora oa Hae ka Sebele, liabolose, ea tšoereng bakuli bao, a tšohe 'me a suthe ha lisakatuku tsena tsa papiso ea kopano ena bosiueng bona, moo Lentsoe le 'Nete li phethiloeng; ba kulang le ba mahlomoleng ba fole; lipelo tse robhileng, le ho theohela Tlung ea Sebōpi metsotsong e seng mekae; aba sena hore liabolosi a tlohe, 'me batho ba tšelele naheng eo ea 'mele o koenneng oo

Molimo o ba tšepisitseng 'ona. Ke romela lisakatuku tsena, ka Lebitso la Jesu Kreste, ka morero oo. Amen.

¹⁹² 'Me Molimo o tseba pelo ea hau. O tseba boemo ba hau. Ho bontša feela; 'me e re ke u bolelle, ho na le sehlopha se sehlo sa batho ka mona se sa phahamisang matsoho a sona, ba neng ba loketse ho le phahamisa. Joale, ha nka u bitsa ho tsoa sefaleng sena, ho bolela hore u mang, hoo ho ka utloisa maikutlo a motho e mong bohloko. Joale, le mpone ke etsa hoo hangata. Ke fumane, Jesu a itse, "Mofoka le koro li ke li hole hammoho. Mangeloi a tla fihla 'me a tlame mofoka 'me a o chese, pele."

¹⁹³ 'Me ke nako ea ho tlama hona joale. O mong le o mong o kena mokhatlong oa likereke, mekhatlo eohle ea liphutheho. Ke hantle. Ke hantle. Selekane sa Lefatše, Lekhotla la Likereke, phutheho e 'ngoe le e 'ngoe ea bolumeli e hulela ka hara ona hantle, ntho e kholo e ntseng e etsahala. Tsohle li khutlela Roma joalokaha ba tšepisitse, "setšoantšo se etselitsoeng sebata," matla, setlamo sa likereke, hantle feela seo Molimo o e boletseg e tla hlaha. Ke bao mono, ba le tlohela, 'me ba u bolella e lokile ho etsa *sena*, 'me ba tšaba ho bua letho ka eona, ho tšaba hore e tla khaola tekete ea lijo kae-kae.

¹⁹⁴ E re ke u bolelle taba, moena ka, khaitseli, Molimo a u senolele hore ke a u rata. Ha se ho fapana; ke ho tšepahala. U se ke oa hakanya hang ka eona. U ke ke oa tlola lebone le lefubelu, ka lebaka la 'mele oa hau. Ho ka thoeng ka soule? U se ke oa tlola le leng la mabone a mafubelu a Molimo.

¹⁹⁵ Ba bang ba lona ba a kula. Lumela ka pelo eohle ea hau. Motho ea tjantjellang ntho e itseng, eba le tumelo feela. Ke tla le bontša haeba A hlile, hore ke 'Nete kapa che. Abrahamama, na le a hopola Lengeloi le tlile ho eena le seo Le se entseng? Bonang haeba e le ntho e tšoanang.

¹⁹⁶ Mofumahali ke enoa o lutse hantle mona, hantle kantle mona, o tšoeroe ke mofetše. O tsoile lethopa, 'me o mothating oa oa karo. O nchebile joale, o khoesitse lifaha tseo tse khubelu molaleng. O tsoa Portland. Empa ha u ka . . . Haeba ho le joalo, phahamisa letsoho la hau. Ke hantle. Le a bona? Ha ke u tsebe, re basele. Empa hoo ke 'nete. Joale u ka lula joang mono, ka tumelo e lekaneng ho ama seaparo sa Kreste athe Lengeloi leo la Leseli le fihla holima hau joalo, mohau oa Molimo? E amohele, mofumahali. E lumele. E seng hoo feela, empa lumela Evangeli eohle.

¹⁹⁷ Mona ho lutse mosali hantle morao mona. Sheba mona, mofumahali. O hlorisoa ke bothata ba mala. Lumela ka pelo ea hau eohle. E, u molata ho 'na. Lumela ka pelo ea hau eohle, 'me u fole.

¹⁹⁸ Ho na le monna ea lutseng pela hau, o lokela ho ea hae. Ha a khone ho lula nako e telele. O na le bothata ka litsebe tsa hae. O na le bothata ka . . . O ne a tšoeroe ke sefuba, 'me sa mo hohlolisa.

Ha a khone ho e feta, ke e—ke mofuta oa e—e mathata a mangata. Ho lokile, monghali. U sebetsa setšeng sa mofuta se kang sa missile kapa ntho e joalo. U tlameha ho khutlela mosebetsing oa hau. Ke molata ho uena. Haeba lintho tseo e le 'nete, phahamisa letsoho la hau. Ho lokile. Ha u na le tumelo e lekaneng ho ama Morena Jesu, hobaneng u sa be monna oa sebele 'me oa e lumela ka pelo ea hau eohle?

¹⁹⁹ Ho na le mofumahali ea lutseng morao mono, o jeoa ke lefu la mofuta la letlalo matsohong a hae. Ha a tsebe seo e leng sona. Ngaka ha e tsebe seo e leng sona. Le se mo tšoare lilemo le lilemo. Oh, o tliš'o e fosa, ruri joaloka lefatše. Mofumahatsana Daniels, McDaniels. Ke moo. Ida McDaniels, lumela ka pelo ea hau eohle. Ha ke tsebe mosali eo, ha ke eso 'mone. Empa Leseli le holim'a hae.

²⁰⁰ Ke eng? O a u tseba! 'Me O a tseba hore u fositse! Oona Molimo o buang ka 'na ka tsela ena, o bua ka 'na ka Lentsoe.

²⁰¹ Joale, e mong le e mong ka mona ea hlokomelang Boteng ba Molimo, 'me u itseba u ne u fositse, ha re tle aletareng joale. Nyolohela mona motsotso feela, e re ke le rapelle. Haeba u itseba u ne u fositse, u batla ho ipolela hore u fositse. U batla ho ba Mokreste oa sebele ho tloha joale ho ea pele, tloo holimo mona ho pota aletare. Ha ke batle ho bitsa lebitso la hau feela, e—e ne e ke ke ea eba Bokreste. Holimo mono seotloanamoeng, theoha, ona ke monyetla oa hau. Theoha joale! Tloo aletareng, ho re, “Ke a tla, Morena.” Moetsalibe, e-ea aletareng, ona e ka ba monyetla oa hau oa ho qetela. Na u ke ke oa tla joale re sa . . . okono e sa letsoa hamonate, “Ke a tla, Morena, ke tla ho Uena joale.” Ho lokile, bohle ba bine joale.

Ke a tla, Morena!

Ke tla ho Uena joale!

²⁰² Na u ke ke ua tla? Theoha u tsoe seotlanamoeng, theoha. Nyoloha. Ho ka thoeng ka lona, lona batho ba ipolelang Bakreste, Peo ea Abraham? Molimo a le hlonolofatse, basali. Molimo a le hlonolofatse, likhahitseli tsa ka. E. Ruri Molimo o tla e hlompha. U a tšepahala. Mohlomong molisa oa hau o sitiloe ho u bolella ntho eo. E-ea hae 'me u nke Bibe le ea hau, 'me u fumane hore e nepahetse, kapa che. U a tseba hore e nepahetse, le pele ke bua letho. Lona basali ba Pentekosta, le ke ke la itlota ka meikapo ho se lebaka. Ha ho letho ka Bibeleng mabapi le meikapo; haese Jesebele feela, o ile a itokisa sefahleho le lintho, ka ferefe le lintho. Empa ntho e teng mabapi le ho holisa moriri oa hau ka Bibeleng, “Ke ntho e tlotlolang ho mosali ho rapela ka hlooho, moriri o ponngoe.”

. . . ho Uena!

²⁰³ U batla ho loka ho Molimo, ka pel'a Sefahleho A sa le teng mona? Tloo! Ema, emela Eena! Ema ka maoto 'me u theohe, u re, “Ke a tla. Ke—ke tla etsa pontšo. Ke batla lefatše lohle le tsebe

hore ke fositse, 'me ke batla ho loka pela Molimo." Tloo hona joale!

Ke a tla, Morena!
Ke tla ho Uena joale!
Ntlhatsoe, ntlhoekise Maling
A phallang a tsoa Kalvari.

Hape, e mong le e mong!

Ke a tla . . .

Tloo. Ba bang ba teng kantle mono, hopolang. E, ke hantle.

. . . 'na, ntlhoekise Maling a Hau
A phallang a tsoa Kalvari.

²⁰⁴ Ho na le batho ba ntseng ba tla, le lule le rapela. Joale, metsoalle, ha ke a lokela ho qophella. Ke a lumela Lentsoe le etsa mosebetsi oa Lona ha Le tsoela mono. U se ke ua soabisa Moea o Halalelang. E ka ba monyetla oa hau oa ho qetela; ke a tšepa ha ho joalo. Na le tseba seo e se etsang ho le bona le lumela hore le phoso? E mpoella ntho ea 'nete e le teng moo, e batlang ruri ho etsa ho lokileng. Joale feela ka okono feela, butle ha u rata, ke sa ntse ke bua. Tloong, lona batho, tloong hantle feela. Ke batla hore le 'ne le tle. Na le tseba seo batho baa ba se entse'ng? Bongata ke maloko a tiisetsang a kereke, 'me ba a tseba ke boletse 'Nete.

²⁰⁵ E seng 'na. Joalokaha Moshe a theohetse mono ho bolella sechaba ka Morena; 'me Morena, tlas'a Topallo eo ea Mollo, a tiisa Lentsoe 'me a bontša hore Le ne le lokile. Eona Topallo eo ea Mollo e teng mona hantle le rona. Ke Krete ea tšoanang, ea etsetsang mongoaha oa Balichaba ntho e tšoanang, joaloka ha A tšepisitse ho etsa.

²⁰⁶ E etsa hore ke lumele eng? Hore le na le 'nete pelong ea lona. Ke eng e entseng hore u eme ka maoto? Hobane Ntho e ne e le haufi le uena, e ileng ea re, "U phoso." Joale eo e ne e le Molimo, hobane ba bang ba lona ba ikutloa ba soabela ho ema mona joalo ka pel'a batho, ka mora ho ipolela. Empa e bontša Ntho ena ea makhonthe E itseng, "U phoso," 'me E tla ka Lentsoe, ka temoho ea moea. Ka . . .

²⁰⁷ Lineo tsee li romeloa kerekeng ka morero ofe? Neo ea pele ke efe? Ntho ea pele ke efe? Baapostola (e leng baromuoa), baporofeta, baruti, balisa, baevangeli. Li etselitsoe phetheho ea Kereke ka botlalo.

²⁰⁸ 'Me Lentsoe la Morena le tla kae, ho mang? Lentsoe la Morena le tlile ho moporofeta, kamehla, ha e botsoe le ka mohla. Ha se neo ea boporofeta; neo ea boporofeta e holima e mong, e ntoo ba e mong. Moporofeta o a tsoaloa, o ne a reroe ke Molimo. Jesu Krete e ne e le Mora oa Molimo, Mora oa Molimo a reriloe esale pele. Esaia o boletse Johanne, Johanne Mokolobetsi, lilemo tse makholo a supileng le leshome le metso e 'meli pele a

hlaha, e ne le “lentsoe la ea hoang lefeelleng.” Molimo o boleetse Jeremia, “Le pele u bopjoa popelong ea ’mao, Ke u tsebile ’me ka u halaletsa, le ho u bea moporofeta oa lichaba.” ’Me ha le bona baporofeta ba hlaha, kahlolo e atametse.

209 Joale, “Kahlolo e qala ka Tlung ea Molimo, ka batho ba Molimo.” Joale re phoso! Re sitiloe. ’Me ke a lumela hore ba lutseng mona bosiuong bona, ke Peo ea Abrahama ’me ruri e reretsoe Leseli la Molimo ho khanya holim’a lona; ha Leseli le e otlala, ba tla ema. Ntho e tlameha ho etsahala, u teng mono! Joale le mona, ha re inamiseng lihlooho tsa rona ’me re ipolele phoso ea rona.

210 Motsoalle oa moetsalibe, haeba u eme sehlopheng sena mona, etsoe ba bang ba le teng, ha le soabe; empa mahlohonolo ho lona joale, le e amohetse, le e lumetse ka pelo eohle ea lona.

211 Lona Bakreste, lona basali ba tsebang, ke a lumela hore le basali ba lokileng. Molimo a le hlohonolofatse. Ke lumela seo. Molimo o ka le hlalose tsa maikutlo a pelo ea ka. Ha ke batle ho khohlalaha ho uena, khaitseli; ke na le mofumahali, le ’na, le ba babeli—banana ba babeli ba bacha. Ke u rata joaloka khaitseli ea ka.

212 ’Me, moena, ke ne ke sa batle ho utloisa maikutlo a hau bohloko, empa ka linako tse ling ho khohlopa hanyenyane ka Lentsoe ho a u thusa.

213 Joale, haeba re fositse, ha re reng re phoso. ’Me ho na le—mohau o teng, o a khapatseha, ho rona bosiuong bona. “Ea ipolelang litlolo tsa hae, o tla hauhelo. Ea patang sebe sa hae, a ke ke a atleha.” Sebe sa hau ke sefe? Ho se lumele ha hau. Haeba u e pata, ho re, “Be, ke lokile hakaalo ka ba bang bohle.” U fositse. ’Me ha u sa tla suthela hojana ho feta kamoo u tsamaeang hona joale. U tla lula u le joalo, u ke ke ua tsoelapele ho fihlela u parola lerako leo u lokisa. Hopola, u ke ke ua e etsa; u tla lokela ho tlola Lentsoe la Molimo.

214 ’Me ha feela u ntse u phela, u tla hopola sena kamehla. Letsatsi le lelelele ka ho fetisisa leo u phelang, u tla hopola bosiuong bona. Hopolang, ke le bolella HO RIALO MORENA! Ke ne ke lutse morung thapama ena, ke rapela, O buile le ’na ka sena mona, ho re, “E bue ’me u e bitse, ’me Ke tla u etsetsa ho hong.” ’Me ke ena.

Joale ha re rapeleng.

215 Ntate ea Maholimong, ka hlomphe le ka botšepahi baetsalibe ba eme hara letšoele lena hona joale. Ba tsoile setulong sa bona ba nyolohela mona, ho ipolele feela. Ho na le Bakreste ba tlileng, ba ntseng ba ipolelela.

216 Likhaitseli tsa rōna tse ratehang ke tsena tseo Leseli le halimmeng holim’a tsona, tlase pelong tsa bona ba tsebile hore

ba fositse, ba tsebile hore Bible e ruta lintho tseo, 'me joale ba ikemiselitse ho tela tsohle.

217 Baena ke bana ba eme mona, baena ba ratehang, bara ba Molimo o phelang, bao, ka tumeloana le maemo a fofa, ba hlhlathetseng ba kena lefatšeng. Ba a khutla bosiueng bona, Ntate. Ba a khutla. Ba joalo, ke bana.

218 Joale, Ntate, rea eelloa hore ha ba ne ba ema ka maoto a bona, ba robile; bo-ramahlale bohle, ba re u ke ke oa nyoloha, u tsetetsoe fatše. Empa eitseha ba phahamisa matsoho a bona 'me ba tsamaea ka tsela ena, ba pakile hore Moea o ne o le ka ho bona o ka etsang qeto. Ba e etselitse Kreste.

219 Jesu, Mantsoe a Hau ka Sebele ke ana, 'me ke tlil'o U qotsetsa ona feela.

220 Ke U nehela batho bana bosiueng bona, joaloka mohlanka oa Hau. Ke entse feela kamoo U ntaetseng, kajeno merung, 'me seo U se boletseng ke sena se etsahala hantle feela. 'Me lipaki tsa lintho tseo li teng, tse emeng mona. Ho paka ba Hau—Boteng ba Hau, U tsamaile har'a bamameli, ho bolella batho hore e ne e le bo-mang le kae. . . ba se entseng, le joalo-joalo, ho tseba batho, mabitso, le hore e ne e le bo-mang le seo ba se entseng, phoso ke efe.

221 'Me joale U boletse Lentsoeng la Hau, ho re, "Ea tla Mpolela pel'a batho, le eena Ke tla mo paka pel'a Ntate oa Ka le Mangeloi a halalelang. Ea hlajoang ke lihlong ka baka la Ka pel'a batho, Ke tla hlajoa ke lihlong ka baka la hae pel'a Ntate oa Ka le Mangeloi a halalelang." Joale bokhaiseli bana le baena bana ba eme bosiueng bona pontšeng ea litho tsa bona le balisa ba bona, le baratuo ba bona, ho bolela hore—hore ha ba hlajoe ke lihlong ka Uena, empa ba hlajoa ke lihlong ke tseo ba li entseng. Joale ke tiile, Morena, hore U ba tšoarele. U e tšepisitse. U itse, "Ea ipolelang libe tsa hae, o a hauheloe." 'Me ba ntse ba ipolela, 'me ba tla hauheloa. 'Me Uena Ea ka folisang bakuli, le ho re, "Na ha ho bonolo ho re, 'U tšoaretsoe libe tsa hau,' ho feta ho re 'Nka liphate tsa hau u tsamae'?"

222 Ke tseka bana. Ke—ke tseka e mong le e mong oa bona, Morena. Ke lekile ho U emela lilemo tsena tsohle, le Lentsoe la Hau. 'Me ba U emetse bosiueng bona, 'me ke a ba tseka. Ke ba ntša litlengeng tsa lefatše, 'me ke ba hlahisa ho Uena, Morena Jesu. Ke likhau tsa Molaetsa bosiueng bona, tsa Lentsoe la Molimo. Ba boloke, Molimo o Matlaohle, tlas'a Matla a Hau a Halalelang. Ba ke ba hole, Leseli la Molimo le halime bophelong ba bona. A banna le basali bao, Morena, ba qale ba hole matleng le boholong ba Moea o Halalelang. Ho etsahale se tla fetola likereke tsa bona tsohle le—le tikoloho eohle eo ba leng ho eona. Aba sena, Morena. Ke ba nehela Uena, ke ba Hau. Bona—bona ke likhau tsa kopano bosiueng bona, tsa Lentsoe le reriloeng. Ke tseka bophelo ba bona, ka Lebitso la Jesu Kreste. Ke batla ho kopana le bona mose oane,

mohla ba seng ba sa shoe, ba khutlela ho bahlankana le basali hape, ba eba bacha ba rateha kamehla. Ke ba Hau, Ntate. Ke likhau tseo Molimo a li fileng Mora oa Hae, Krete Jesu, ka matla a Boteng ba Hae le Lentsoe la Molimo. Ke ba Hau, Ntate. Ke U neha bona, ka Lebitso la Jesu Krete; le ho tseka bophelo bo bong le bo bong, bophelo bo bong le bo bong bo emeng mona. Boipolelo bo bong le bo bong bo a amoheloa, sebe se seng le se seng se tšoaretsoe.

²²³ 'Me e mong le e mong ea emeng mona, ke—ke—ke rapella matla a Moea o Halalelang ka ho bona, ho phethisa, ho etsa ho lokileng, ho ba thusa horeng ena e lefifi mohla lefatše le tletseng phatsimo hakana. 'Me, oho Molimo, nthuse hosane bosiu, ho—ho ba tlisetša eona e hloekile e hlakile, Morena; le ho itšoasolla phatsimong ea lefatše lena, ba tle ba itokisetse ho kopana le Krete nakong ea ho Tla ha Hae. Aba sena, Ntate. Re a U lumela joale.

'Me re sa inamisitse lihloho tsa rona.

²²⁴ E mong le e mong oa lona ea emeng ka maoto, ha ke lumele le tile ka borata helehele, hobane le kene tlas'a thero e thata, e matla ea Evangeli, e hlabang. Empa le a lumela hore Jesu o boletse seo, "Ha ho motho ea ka tlang ho 'Na a sa huloe ke Ntate oa Ka, 'me bohle bao Ntate a 'Neileng bona ba tla tla." Joale leo ke Lentsoe le tiisitsoeng la Molimo. O bolelete Abrahama, O ile a tšepisa le ho hlapanya ka kano, 'me ke mona le utloile Lentsoe la Molimo bosiu bona 'me le tla holim'a metheo eo. Le tlameha ho tšoarela! 'Me lona bohle le e amohela le lumele hoba Molimo o le tšoarela phoso ea lona, 'me ho tloha bosiu bona ho ea pele, ka mohau oa Molimo, le tla Mo phelela bophelo bohle ba lona, le ho etsa sohle seo Bibe e ena e le rutang ho se etsa, le ho lumela hore Molimo o le fa mohau ho e etsa joale, ka ho le tšoarela lintho tse fetileng; phahamisa letsoho la hau, le ho re, "Ke e lumela ka pelo ea ka eohle." Molimo a le hlhonomolofatse.

²²⁵ Lona Bakreste bohle kantle mono ba leng motlotlo ka bona, e reng, "Ho bokoe Molimo, ka lebaka la bona!" [Phutheho e re, "Ho bokoe Molimo, ka lebaka la bona!"—Mohl.] Ha re e bueng hape. "Ho bokoe Molimo, ka lebaka la bona!"

Joale ha re emeng ka maoto a rona, bohle. Ke batla sefela sena sa:

Ke a Mo rata, ke a Mo rata
Hoba A nthatile pele
Le ho lefella poloko ea ka
Mane Kalvari.

²²⁶ Ha re kopaneng bohle joale, e mong le e mong a se bine re phahamiselitse matsoho a rona holimo. Ho lokile.

Ke a Mo rata, ke a Mo rata
Hoba A nthatile pele
Le ho lefella poloko ea ka

Fateng sa Kalvari.

227 Na ha le ikutloe le faliloe kahohle? Na Lentsoe ha le u hohle ka mokhoa o itseng le ho etsa hore u ikutloe u le betere? Na ha e etse joalo?

228 Ha le lumela hore ke e—e—e mafosisa, ha ke re? Na le e lumela ho ba 'Nete? [Phutheho e re, "Amen!"—Mohl.]

229 Ke ntse ke shebile Lengeloi leo la Morena hantle joale Lona le lebelang batho, le likile hantle ka holima sehlopha sena se emeng hantle mona ka sebopeho sa sefapano. Molimo Leholimong! Setšoantšo se tsoanang le seo lona . . . Lengeloi leo le le bonang setšoantšong seo, le teng mona hona joale holim'a sehlopha sena sa batho, le ntse ke potoloha feela, ke lula ke Le shebile, ho tloha sebakeng ho ea sebakeng. Ke a lumela, esita, hore boloetse bo bong le bo bong bo emeng har'a letšoele leo bo nyametse. ke—ke e lumela ka pelo ea ka eohle, hore sebe se seng le se seng se tšoaretsoe.

230 Ha rona feela—ha re tsukutlaneng ka matsoho ha re ntse re bina "Ke a Mo rata."

Ke . . .

E reng, "Rorisang Morena!" [Phutheho e re, "Rorisang Morena!"—Mohl.]

. . . Mo rata, ke a Mo rata
Hoba A nthatile pele
Le ho lefella poloko ea ka
Fateng sa Kalvari.

231 Joale ha re Mo roriseng, re re, "Rorisang Morena! Ke a U leboha, Morena Jesu."

Re a U leboha, Morena, ka ho kenya batho ka hare, bakeng sa Lentsoe la Hau. Ke sabole e bohale e leolitsoeng ka n'ga tse peli, empa E senola mehopolo ea pelo. E etsa bonnete. E bolotsa lefatše, nama, ho tlosa lintho tsa lefatše bathong, 'me e ba etsa libopuo a tse ncha ho Kreste. Re U leboha hakakang, Ntate! Re U rorisa ka pelo tsohle tsa rona. Ke a U leboha ka bona, Morena. Ba ke ba tlatsoe ka Moea! Moea o Halalelang o ba nke feela taolong ea Oona, 'me ho tsohe tsoeletso ea mehla ea khale har'a likereke tse, Morena, hoo ho tla haola hohle har'a lichaba, hohle ho tla tuka mollo ka matla a Molimo. Re romele pentekosta ea sebele, Morena, matla a sebele a Moea a khutlele ka har'a maphelo a batho. Aba sena, Ntate.

232 Ke ba Hau. Ka mohau oa Molimo, ke ba Hau. Ke Peo ea Abrahama, ka tšepiso. Aba sena, Morena. Ba lumela Lentsoe la Hau; ntho efe e fapaneng, eka hoja e le sieo. Ba lumela Lentsoe hobane ke Peo ea Abrahama. Ke ba Hau, Ntate, Kereke e reriloeng pele ho phatsima letsatsing la ho qetela. Ke a U leboha, Ntate, ka baka la bona.


Ke a Mo rata . . .

Phahamisang matsoho a lona joale thorisong ho Eena.

Ke . . .

Holimo koana liotloana-moeeng! Ke hantle.

Hoba A nthatile pele

Le . . . 

62-0705 Jehova-Jire #1
Municipal Auditorium
Grass Valley, California U.S.A.

SOUTH SOTHO

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka printara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlalisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org